



60

1 2 3 4 5 6 7 8 9

10 1 2 3 4 5 6 7 8 9

80 1 2 3 4 5 6 7 8 9

C 40-4514

丁翁立諸大歲及有
家書置武州紫雲山
我微笑塔院直眉永
為學者不敢許出院內
當山二世鐵牛機譚記



B 64853

古雪詰禪師語錄卷十六

嗣法門人傳我等編

啓

復徐王眾鄉紳

伏以玉毫未燭東震唯尊道德之儒金粟旣生西乾
悉仰髮須之佛河海雖別日月寧殊恭惟閣下筆翻
春浪句燦朝霞飛鶻表而揚睂還同拾芥奪龍標而
吐氣不異探囊鏡第芙蓉天眼先窺其兆華敷丹桂
帝心已察其優丁五龍之在田珠藏玉韞念一馬求
去寺境寂人稀欲起闔邑已墜之宗風旨辭不遺

興之盟主由是倩谿聲爲長舌遙吐劍下拂香飯於
鄰邦廣崇佛事台函遠降猊座令陞五柳之高風未
衰二蘇之芳規再振某言慚鄙陋識乏圓通難邀天
界之華敢伐雷門之鼓第厚幣遙施尤勝鬻心之供
鼎言下屬殊超斷臂之誠仰藉台光聊抒管見移大
唐於西嶽直令五湖四海同登不二之門接摩竭於
南洲頓使三教九流共入毗耶之室統倥偬而申謝
唯慶贊以無涯

復黃巖檀越

伏以玉移丹井尚畱蓬華之輝翰灑翠筒更引珪璋

之重恭承鈞召義切鳬趨一錫未飛千峯尙隔恭惟
御護沐一刹金湯入閩山斗青鹽白酒天高逸老之
風晉字唐詩家衍善傳之寶千匝金廻蘭若地躬迓
仙雲一莖草建蕊珠宮親聞天語門迎五柳疑看火
宅進青蓮手植三槐預教鞠陽捧鷺鳥佛勅長者覺
道津梁某智窮五技偶濫瑟乎竿門才箋一絲敢受
裁于梓里謬蒙推轂益懼負墉瑤簡重開喜復淡于
知音而發響須知園中老劖終逢俠氣以騰光世叨
方外朱陳道合絃中伯子寂光沙界長老之藏身無

換連

門桂子香浮學士之握手有日先資露不漫展葛藤
統冀丙融并言申謝

復黃巖耆舊

伏以一葦未折道氣已兆於神州五派纔分宗風多
扇於閩嶺機緣有待時節無違恭惟諸尊宿鉢傳珠
木錫掛紫雲鋤月耕煙琛老家風具在忘機罷釣備
公面目依旣腳頭未跨飛鳶已輶先破信手拈來莖
草梵刹已成禪講斛鴻於當年英俊雲興於此日長
幼于指內外一如某駑駘下質孤苦頑童刻草堂前
早沐提攜之法愛贍風海外俱承激勵之威神欣遇

作家頓休狂念爰居大刹悉非本懷楓落吳江每恨
友師之隔鴈飛南浦寧忘父母之邦華髮漸抽歸思
愈切忽蒙書幣遠至緇素俯臨慙感惟深奔趨恐後
然退鼓未過百二十斤之鐵枷難遽脫垢衣已卸六
七尺長之竿木任優游師祖祖翁窣堵前之右市必
遶弟兄叔姪祇園內之夜話匪遙第客路飄零鄉音
盡改他山旅泊家法俱忘尚俟趨筵側聆聲歎厚儀
拜領禮謝容躬肅此奉訓伏惟慈照

復佛頂檀越

伏以玉殿聳莖茅久羨賢人之芳躅金城羅勝地咸

欽長者之高風苟非乘悲願輪焉能現大佛頂恭惟
大檀越鳳毛濟濟麟角堂堂發軔雲程已見揚眉吐
氣染指法味自當得髓傳心會儒釋于不二之軒誓
金湯於大千之土閩山知爲巨擘吉里共仰儀型某
同邑同門愧雙睂之不白異鄉異室等孤鶴而初還
乍蒞雲端席未熱而章水之徵書旁午才登彊仕面
欲皺而岸樹之病葉魁魁所以力拒翠巖之招痛灑
專使之淚適承華翰召主祖庭漢荷台光寵臨寒谷
第以蒲柳之質復當鋒鏑之餘未能跨竈起家徒追
水源木本然黃巖佛頂兩利似齒與唇豈可同泰越

人之眎肥瘠况法乳固極二恩如川及嶽自當若側
陋子之事椿萱義不容辭分宜竭力尙俟登龍之日
親聽指揮淨除翳目之華肅清梵苑伏祈崇照不既
所懷

復佛頂耆舊

伏以金地遙招已點江陵之首玉函再啓忻瞻佛頂
之光唱拍果爾相隨風雲自當際會恭惟佛頂諸耆
舊戒珠獨朗德水恒滋退己讓人不減近代謐師伯
忘身爲法何殊昔日備頭陀雖未獲挹乎清光久已
稔懷其令聞某居塵不孝難免無後之譏入道未深

極負克家之望濫竽祖席於章木偶爾成文僭尸法
位於紫雲頽然無補益以幻軀多疾利眾乏珍頻興
石室之思久冷津梁之念曩承檀越命主禪庭就之
力不勝任卻之分非所宜雖然冒昧承當猶自逡巡
未決復蒙再召益淡恧慚顧驁鈍不堪騁馳而頑愚
應聆聲教尚俟剪如蝟之雜冗九頓浮屠擬似鳩之
短筇一登寶所相見伊邇不既所懷伏冀眾眾慈俯垂
照鑑

復龍山檀越

伏以山無小大賢聖棟之卽名法絕巔隆邪外混之

而壞所以干城之托全賴檀那宗教之興須資苾芻
恭惟眾居士溫恭足決慈善可風金布龍山穢地翻
成寶地玉移紫岫凡心已合佛心痛先祖之手澤猶
存鵠巢鳩占念後昆之門風不振鼓寂鐘沉是以飛
翰下招重興上刹衲癡鈍無似謙劣不堪久倦梁津
三卻西江之召諦思源本一開故里之爐百念寒灰
諸緣嚼蠟但以諸公象駕遙臨自宜疾荷孤筇登龍
門而聆至教先祖浮屠在是分當右遶三匝酌杯水
以酬法恩尚俟解期肅遵嚴命伏祈台照不備所懷

復仰山檀越

接演

卷之三

五

伏以丹詔紫衣雨露曾沾於北闕栢臺章閣金湯久擅於南閨最可喜王臣歷歷堪稽獨奈何宗教寥寥不振恭惟眾護法望隆山斗學貫天人丘索典墳已窺其奧偏圓半滿兼徹其微扶洞曹之一枝四海欽聞虎嘯協孫子之三葉百里復錫鸞箋某慕蘭有年瞻韓無自忽承釣名亟擬鳬趨第以久客洪都謬承公卿之獎藉乍歸梓里益深風木之餘哀是以屢卻翠巖之招頻興天目之想且積煙與羅首磕額祖師面目宛然齒苔共優鉢呈祥龐老機鋒具在惟冀遴選實德勿采虛名庶副祖庭之休徵不幸羣情之引

領肅此辭謝無任主臣

復燕溪李又慕眾文學

伏以絲浮綠水意注吞舟之鰲弩發丹崖機在衝霄之鳳所以周流列國爲道求人立教固分三門歸元原無二致恭惟眾居士仙才超太白佛種續毘耶金粟翻身四海稔聞先太宰錦標入手萬家應見活如來憶對天曆之櫓阱已承寵顧再揮夜臺之珠淚復辱鴻招知按劍以無虞忻登龍而有自但以洪都道俗冒鋒鏑以相迎故里知交合通遐而共挽且也雷門布鼓未敢輕敲而下里巴歌豈堪垂聽尙容杯土

換起

負竟勉挈逢場之竿雜冗埽清敬躡登山之屐肅此
裁謝不旣縷懷

復南橋李龔吳眾文學

伏以卜地建精藍洵大儒之宏願傾心求至道乃傑士之高風所以二尼之敎竝振華夷五宗之燈同聯綱自恭惟眾居士儒門師表梵苑干城乃武乃文已擅名於聖世若將若相將繼起於清時某不孝凡僧之尊者之神足再歸梓里圓先子之夜臺恨廬墓以非宜擬離鄉而弗忍適承雅召爲我創蓼莪正愴鄙懷知君同須達奈以西江紳士四返相迎而黃巖弟

兄千指同挽行藏用舍權衡固不由人先後始終舉措必須合法尙俟婉辭千里之使或可樞趨萬仞之門碧水丹山共新法王宮殿晨鐘暮磬偕宣少室宗風晤敎有期縷懷不悉

復仁溪王楊張眾檀越

伏以玉兔下千溪五十三人皆知識金燈傳萬井一千七百半簪纓是知迹似雲泥心無黑白恭惟列位寂居士澤淡智海掌耀神珠數萬甲兵不動而波旬潰旅八千子弟才呼而野豕潛蹤詢百里之干城爲一鄉之巨擘所以遠邇寧謐鷄犬無虞致澆俗於淳

源保殘黎於亂地某親同梓里念切瞻韓辱華翰之
下招喜登龍之有自但以久淹客路陟遙岵而崩心
乍上夜臺對新碑而泣血念劬勞之未答五內如焚
悲蒸嘗之無人雙眸欲瞽是以形骸頓槁飲食俱蠲
尙容殘喘稍蘇挹清風於丹桂哀毀將節刊白字於
青松更冀同心七姓合里千門不忘金口之叮嚀永
作名藍之保障救人救雀定應獲銜環結草之酬知
佛知儒自當踐紆金拖紫之域統此鳴謝不旣所懷
伏惟台照不宣

復吉田陳鍾子叡檀越

伏以傾蓋相逢道固資於日擊隔江趨去機愈妙於
神交所以良驥追風不煩鞭影鎔鋤出匣守爐鉗
恭惟叡居士才堪補袞德可傳燈研額望仙傑閣曾
凌碧漢深心學佛高軒親到黃巖琴劍未陞三雪堂
行逕已同一宿覺某志學離塵慕道萍蹤同野鶴彊
仕歸里思親雨淚類春谿報罔極以無門趨佳城而
運甓忽承榮名感激良深奈翠巖已剪之藤枝逢春
又發而白髮將殘之病骨無念不灰然同鄉同姓且
同聲豈敢方命俟秋月秋風迓秋色或遂瞻韓則遠
山水樞再撲分寧之鼻吉田瑞草同邀濟水之滋肅

[挿述]

此辭謝不盡依馳

復高陽本族眾居士

伏以閩吳異域難忘恃怙之邦儒釋同宗每切墳篋
之誼愧大風之未播思錫類以何從恭惟亞父諸兄
及諸賢侄家聲克振浩氣元充竹林繼茂於高陽華
萼聯輝於武嶺現居士現宰官久佩覺王之先囑居
畝畝居廟廟無非金粟之後身某幼既孤貧長離鄉
族托空桑而寄迹類野鶴之翹翔對風木而增悲灑
臯魚之涕泗居諸易邁老大無聞陞忉利之未能瞻
山斗而倍切忽承寵召歸里弘宗益感殊恩敢方嚴

命第佛誕屆期衲子駢至既忝主法於紫雲復將弘
戒於白月容竣一期之佛事趨布廿載之闊悰五穀
巖前圍籬叔侄弟兄共唱無生之曲尙義堂畔相邀
尊卑長幼同登不二之門率勒楮言伏祈台照統此
鳴謝弗及另裁

復廣州劉總戎

伏以雲自無心常捧中天之日春如有腳能敷遍地
之華草木承滋煙霞生色恭惟某居士才兼文武教
洞釋儒卽兩粵作毘耶變五羊爲佛國衲景仰徒切
芝晤未由適承擎翰先施始知金容已現爐冶之力

何殊淨飯重來寶座之敷不異燈王再借某自當伏
迎虔吉道左瞻注東風懸知棨戟遙臨光揚西岫良
晤有期神馳無息伏祈台照不宣

復廣州劉司馬

伏以海不揚波已見陶唐之化鰐無遺患重窺侯伯
之誠繙素同歡古今共仰恭惟某居士仁風久播德
望彌高鼙鼓聲中喚醒同袍興佛事干戈叢內頓令
兆庶樂堯天誠聖代之孫吳禪門之韓富也欽羨欽
羨翠巖法席章水名藍自媯占以來久弗獲瞻三十
二相龍興而後何幸復見丈六金身若非諸護法慨
不備統祈崇照不宣

擲二千五百餘金焉得新如來遽陞八萬四千寶座
伏願指日高陞羹調鼎鼐回機自悟齒叩春秋則青
史與僧史同芳王化偕法化並振也江山迢遞晤對
難期惟冀不忘十力之囑付廣培萬劫之津梁肅復
不備統祈崇照不宣

庚峯一別斗柄十移不謂法梁遽摧遂致天人靡恃
恭惟法兄和尚道契鄧峯機投檣李寶華王之法座
次補三陞師子兒之雄威當陽一呖山川迢遞稱賀
末由日月居諸神馳匪間某酸寒無似蠢休不堪匿
迹西山擬與亮公一賽出頭丹井敢同真老竝驅念
道法之凌夷西江爲甚觀祖庭之蕪沒翠巖獨淡由
是冒昧承當展蟬臂於轍下跼勉紹續燿燭火於日
中然法乳恩隆捐軀莫報提攜義重滴水未將幾欲
致辨香於窣堵波前竟弗獲負鉢於玲瓏巖畔先師

[標題]

靈骨猶在小弟葵心逾堅敬遣二禪代躬一候麤布
衲之薄獻略輸寸忱伊蒲塞之遙齋聊供萬指仰冀
高提祖印大震雷音使僻壤遐方均聆妙諦芳蹟下
質共步芳塵則曹谿之源流歷千古而不竭太白之
苗裔徧塵刹以常存統冀慈光高垂鑒可

復南峯來雲禪師

伏以鏡水秦山從來飛鳥不度雲門石龕還他鐵骨
堪嘗詎意不毛之鄉疊荷如天之憣恭惟來公禪師
機投胡餅派接新豐小老佛之稱七歲知名於閭里
阿蘭若之勝六番標指於閩邦頑石既能點頭駛舌
亦應歡舞某爐中鈍鐵爨後焦桐出既無裨於法門
退復有幸於罔極哀毀成疾百念頓灰食息不寧雙
門久杜是以一刺未投於劍浦寸心徒耿於雲端忽
承鈞命直揚九帶三玄淡沐仁風披拂千巖萬壑但
以支離病骨頗類孟入郎枯槁餘骸儼同元五斗儻
乾城其未隱尚晤對以堪期方命之愆統祈原宥香
積之惠飽德無涯草率奉復嗣容躬謝不備

拂曉

一朝明月照孤雲
萬象森森夜半分
是故其未熟尚孤搖以甚肥衣角之寒
日大晴露骨瘦疎直入酒杯誰知酒滿川
永陰冷自臥水帶三更驚君二風颯出千堆雪
休休休休一醉未許人險難十小翁
悲身世誰知身世事東觀只知百念與夫金玉不爭雙
木風煙綠某隱中雙煙翠冷寒時出麌猶猶外山門

古雪詰禪師語錄卷十七

嗣法門人傳我等編

偈一

再參本師和尚

雪擁寒空凍色濃孤懷偏憶最高峯遙遙嶺幾番
度蕩蕩董江一棹通眼底風光唯獨得腳頭消息許
誰同扶筇直入清關裏驚起堂前白髮翁

參語風師太

空撥煙波浩蕩中桃華夾岸對誰紅雪消獨快玲珑
子春暖偏懷瞌睡翁高臥五峯煨折腳活蘿雙徑語

清風相逢何在頻頻問一掌揮開千指宗

遊普陀

爲叩白華老乘風海上遊半瓢千頃浪萬里一孤舟
稽首全身露擡眸覲面酬南詢當廿七誰是善財儕

雲門解制

臥雲艸丸風火鉢

荷條柳栗出僊霞踢徧谿山覓作家因地雲門纔放
下參天枯木便開華千華臺畔呈機變萬竹林中露
爪牙今日解開又俗口長街短巷總生涯

輓黃巖受業師

海外忽聞師已逝初疑似實轉疑非雲歸故國雖蘿

影月落天湖豈隱輝一日別離千口恨十霜父子五
霜違木人本是無情漢到此難禁淚滿衣

送林野禪師之金沙

蹋斷春江煙浪聲睂間霜劍逼人清爲憐滿地忘歸
客閒逐東風入市城

日山神雙十宋天伏尊臥雲艸丸

悼黃蘖以直禪師

忽得西陵信遙遙念故知楚雲天際沒江月夢中移
方羨典型在將扶晚世危那堪千里外又賦弔君詩

登雪竇

乳峯不可極絕頂勢嶮嶒二覺今何往孤筇此際登

撰述

古事記傳卷十七

虛堂縣夜月古塔繞新藤寂寂空山裏誰爲剔粗燈
示文峯

五六十季事紛紛瞬息間有身愁白髮無地覓童顏
欲達無生旨須明棒喝關豁開真面目萬法本來閒

乾谿晚眺

谿煙靄靄夕陽斜極目山邨數十家天外暮鴉歸樹
杪千峯明月上蘆華

休夏高明寺閱園通疏

熱殺人間六月天杳無暑氣到林泉竹梢風入繩牀
角蓮子華開古殿前十卷楞嚴遮活眼幾家詮疏漫

搜玄信知見月能忘指教外何曾有別傳

再遊石橋

一條瀑布分青嶂千尺飛虹鎖斷崖爲愛此中泉石
好幾回策杖去還來

徹凡請題牧牛圖

莫怪翻譯來却錯

黑白未分誠難狀纔落丹青多異相披毛隨類踢谿
山縱步綠楊芳艸上四號輕雙角壯鼻無繩索誰能
抗獨有風前箬笠翁七尺烏藤未輕放

漢萍請題雙龍杖

傑出叢林勢逼霄一枝分合見同條翻騰有待風雲

換述

際變化毋勞電火燒驚走葉公非峻峭扶歸費老未
孤標而今拈狂衲僧手打斷驢腰與佛腰

近吳行效歸閩

吾鄉俊傑雖無數幾箇超然能獨步羨爾求師千里
來誰道靈根非夙具要參禪須妙悟不悟靈光那透
露者回歸去猛提撕莫教錯過來時路

娑羅樹

根苗自是不尋常託質偏於古道場一核娑羅名獨
遠千秋太白讖猶詳擎開便見祖師面葉布還驚帝
罔張從此乾坤承蔭覆何人不仰樹中王

叢林十事

巡照

夜深獨自遶廊行東照西看到五更欲覺枕邊酣夢
客短筇聊卓兩三聲

批磨

兩片磨盤函蓋合一雙空手就中推任他皮殼重包裹
到此從教當下灰

炊飯

日日炊來香滿甑直令箇箇飽膨脹不須望月瞻星
得自有金雞報五更

換連

煮茶

瓦銚聲銷翻浪白
羌甌氣吐見香清
睡魔縱在睂端上
一到脣邊雙眼明

知印

從來載道獨憑言
殺木災青代舌宣
妙印全提須好手
一模脫出古今傳

淨頭

一塵不著方爲淨
淨到無塵淨亦禡
忽爾兩頭俱踢脫
蕩蕪透出糞礎邊

種田

博飯須栽數畝田
自家活計自攬先
也無大義爲君說
把鑊還應握兩拳

春米

一番簍復一番春
簸盡粃糠出自中
欲得精純無粃雜
更經籠過兩三通

研柴

刪去朽樗供瓦竈
養成合抱蔭崔嵬
不徒歲月燒無盡
且使叢林有巨材

燒火

竈底無煙聊撥撥
寒灰燄起木叉頭
一聲飯熟方休

(撰述)

也直得通身白汗流

三首

卽韻酬黃介子居士

兒女團闌話未遲
曉風正好及茲時
但能物外逢遷老
便可言前見馬師玉
振斯文應賴汝金湯
我法叟由誰而今歸去
蓉城裏湧把同參次第錐

先覺非先晚不遲由來千聖各乘時拈華已得投機
子斷臂曾聞爲法師正眼親承須自徹全身擔荷復
憑誰相逢盡是模糊漢誰肯深加痛處錐
箭鋒相直不容遲筆戰何如法戰時才涉思惟成野
干踢翻窠臼是真師進前退後因憐困活捉生擒爲

阿誰莫道渠儂無面目從來牙爪利如錐

卽韻示漳州朱居士

己卯六月十七
老和尚命代答

十方世界一真人
益色騎聲處處真
日用堂堂全體現
非經非佛亦非僧

火裏蓮華朵朵新
超然非妄亦非真
分明告爾朱居士
切忘將心更覓心

山僧無法指他人
白棒全提絕謂情
絕謂情邊如薦得
無死無生是據憑

侍寮自警

六首

得侍明師非小可
親聞大法豈尋常
而今既入如來

換述

室夙夜無疲必自強
一二十季爐鞠下千差萬別盡敲開徹頭徹尾憑誰
力半是師承半自裁

時丁未法澆漓極徧地狂風孰可回子細更宜加子
細出羣須是出羣才

大話等閒容易說力行寸步亦艱難直須行說常相
應始可無羞佛祖顏

古人曾以木爲枕枕畔雖眠常自惺顧我操持復若
何那堪長夜恣安寢

自癢自抓方自快自知自病自家訶養成一味無欺

力天下誰人奈爾何

參禪偈八首

參禪須是發真疑莫管人家是與非自救尙猶恠不
徹肯將心緒別分飛

參禪須是發真疑疑不起時痛自笞逼得身心如鐵
壁何愁箇事不相宜

參禪須是發真疑疑處真時悟處奇擊竹觀桃明底
事有何聲色更參差

參禪須是發真疑一處疑通處處隨識得趙州三十
舌說無說有任施爲

撫述

參禪須是發真疑剔起看要是誰直下不生顛倒
見形山一寶現多時

參禪須是大丈夫舉措昂昂意氣孤縱使羣魔千市
繞心安如海不驚虞

參禪貴狂死生切如坐囹圄欲求出較計窮時活路
通困地一聲方妥帖

參禪切忘掠虛頭一著虛時著著浮心地未能明似
鏡口頭何必滑如油白公有頌徒增臭詰老無言覩
面酬珍重正因行腳者直須尅實究根由

庚辰除夕

客路風霜又十季杖孟隨處獨安然乾坤物物渾如
夢烏兔騰騰淘不遷門外任堆三尺雪座中且對一
爐煙剎那耳畔鐘初動無限春光到眼邊

紙爆

身無半箇柳兒大腹蘊轟雷擎電機時至爲君通一
絛驚天動地火星飛

呈別本師和尚

何事衝寒離杖側把茅欲向碧峯蹲目前殘局渾休
論壯志淡淡狂報恩

輓涵照教授師二首

枝那

五言律詩五首卷之七

七

七

昨日河頭忙問疾今朝倏爾遠闊維傷心歷歷難藏
處流水松風盡帶悲
隔旬預別無人信誰料而今真箇歸生死在師如旦
夕奈何漸見老成稀

白法結茅十詠

定基

白法由來古道場季淡幾度變滄桑而今定奪基偏
正四顧無如此處良

開徑

一條捷徑沒人行荒艸季季繞徑生從此闢開無室

礙縱崎嶇處坦然平

運木

別峯有木誠堪用運得歸來任所施長短自量還自
斲爲椽爲柱各相宜

剪茅

嶺上青茅雖易剪挈歸奈是路迢遙鄰菴有箇方摩
諸儒屨飄巾爲我挑

豎屋

方方一丈鐵頭屋豎起雲間四壁空誰謂法王宮殿
窄大千沙界在其中

編籬

自芟苦竹東岡下歸來疎籬傍綠蘿穿過篾頭明祖
意禪和箇箇是僊陀

引泉

東澗源低西澗高東西汲水不勝勞分開竹筍雲廚
內免使鞘鞘舉桔槔

搭窩

一隻郎當折腳鎗東拋西擲不堪評者回搭向孤峯
頂煮月烹雲過此生

進火

鑽木取之元是妄靈山傳得亦非優杖頭撥動無煙
火八面燎人正未休

供佛

者裏向言著不得佛魔潛覲總無門放開綫路興悲
仰殿內還須奉一尊

卽韻贈長文宗侯

了知身世幻不復羨紛華脫俗能隨俗居家仍出家
懷中收至寶物外弄空華記得靈山囑分形豈有涯

山居

二首

幽居無物令人崇一味清貧令淡風好鳥雜鳴枝上

撫述

下野華競發葉青紅爛熳黃獨思前哲忽覩明星憶
大雄有客到門仍問問何須高坐揖王公
碧巖三度見清秋是事隨緣嬾預籌方內有誰忘逐
鹿峯頭輸我倒騎牛乘雲何必尋僊客翫月母勞上
庾樓觀得祖師關子透不風流處亦風流

西山懷古

十首

亮公禪師

嗣馬祖一

信得虛空解講經何妨垂手入紅塵也知八十餘員
在搗鼓陞堂自有人

雙嶺玄真禪師

嗣鹽官安

足迹難尋是此翁無神通處現神通渾身儼在雙峯
上祇是諸人見不同

翠巖守芝禪師

嗣汾陽昭

十字街頭石幢子千峯頂上老眠牛鼻繩攀斷無蹤
迹唯見洪崖水自流

翠巖可真禪師

嗣石霜圓

點胸點肋稱無敵善老鋒前仍墮機違得石霜霜刃
子顛拈倒弄恣橫揮

翠巖文悅禪師

嗣翠巖芝

乞米乞炭任堂司爲法忘軀敢固辭痛恨自心疑未

瞽桶箍忽爆展雙眉

章江晦堂禪師

嗣黃龍南

未曾得入須親入既入門來貴力行咳唾而今皆祖
意章江日午打三更

香城順禪師

嗣黃龍南

千峯盤繞一山城法道曾經幾度要順老不知何處
去野華光艸自枯榮

雙嶺化禪師

嗣黃龍心

信手拈來不是塵森羅萬象現全身眼中拔出黃金
屑雙嶺華開萬國春

雲堂貫休禪師

未詳法嗣

詞壇走筆千篇易禪客相逢一句難要識此心真面目
雲堂山下水潺潺

白法且喜禪師

未詳法嗣塔存香城

亮公雖是終身隱今古虛名隱未曾何似喜翁戛超
絕不將姓字上傳燈

卽韻示楊建明居士

世間名與位俱空也是浮雲聚曉風纔見柳條垂地
綠又驚楓葉拍天紅鬢藤二鼠時堪怖逼屋羣山勢
戛雄跳出塵勞須鐵漢偶因無事語明公

詩述

輓玄阿宗侯

三首

楊華落盡惜春殘居士門前倒剝竿訣未入山先耳
熱杖將臨柩倍心酸猿唳古渡蒼煙冷雀噪空庭曉
月寒安得晤言如往昔祇應惆悵到江干

去秋江上笑談時大喜季來又得師稱我妙齡聞道
早自嗟老病入山遲毗耶一榻爲誰設白法千峯祇
自思時不待人良可痛深雲又作再生期
雪嶺叮嚀尚不諳金湯我法破羣昏王臣已現生前
願刀剪猶貽末後言南浦雲迷新悉達西峯月憶古
王孫寥寥坐冷巖中客更對誰談不二門

悼喻均可文學

四首

葉墮丹楓萬戶寒水流雲散太無端道人撒手追追
去誰把空華鏡象看

春風吹動百華枝正是山中論道時今日樹凋羣葉
落茅堂孤坐爲誰悲

神前盤子西來意女作師姑白法禪一掌當機如透
徹百千公案應時圓

功名富貴枕邊夢生滅去來海上漚君若豁開如是
眼吾何哀悼學時流

卽韻示汪海渡刺史

接通

我是人間無用人不知誰妄復誰真從生至老渾如
是月落江空眼更親

甲申除夕

石帽峯前寄一支韶光兩度見推移空華影裏分新
舊乾闢城頭記日時露地牛烹頻賣弄遼天鶴放謗
追隨諸方若問季窮句金鴨香銷錦繡幃

過田西禮令超禪師塔

石塔巍然挂薜蘿滿林幽鳥自成歌超公面目今何
枉瞻拜歸來感慨多

示歐陽元珍居士

打破虛空無可說語言道斷心路滅頭頭獨露本來
身韓盧跳入金毛穴

示方山子居士

青蓮念佛白法佛念沙裏無油麥中有麪翻身師子
牙如劍渴鹿紛紛趁陽燄者六時那六時箇中端的
不曾移趙州使得成何事鐵牛橫踞關西路

印宗禪人送佛入山書此示之

雨過寒巖艸蔓青巖翠風送滿庭馨世衰可笑僧無
賴根鈍翻嫌佛不靈波底月明知水潔目前雲翳見
空冥移來白法時談法珍重諸人著眼聽

卽韻答燕及姜相國

敲落天邊月光境兩俱絕萬里淨無埃正眼頂門揭
傷嗟世上人幾箇皮有血浩浩談仁義矯矯論道德
自負真聖賢奈何迷聲色吾門方衣徒充塞真丹國
律爲名相纏教苦文字惑更有裨販流甘作假衣賊
祇圖飽而溫誰知苦在卽我祖特西來施茲脫苦法
向道道根源自性原不乏自性超色聲自性離文墨
自性非自然自性非白黑自性無生死自性無失得
但能見自性是名直指直世降道亦衰美食無人食
何期金紫中卻有斯氣息試手跳金圈揚眉吞栗棘

我亦一凡僧荊州面未識活蘿西峯喂長年不作啞
神交亦何深向往如此亟寄我白雪篇字宇冰華勒
調羹手旣高說禪口何忒吸得盡西江姜裴同一刻
題木如意

不是曹家女亦非西嶺木皮膚脫盡露風骨塵之角
今鳳之毛文采縱橫益自韜填溝塞壑知幾載知已
不逢顏不改今朝拈出碧峯巔鐵額銅頭謗近前薦
得機先那一著明明白夜日輪圓

示行文宗侯

裴老當季參斷際卓犖靈根何太利一呼直下便知

接連

歸覲得高僧半邊冕更
有倔彊如老韓上書詆佛恣
顛頽自從親入大顛室卻道禪機是一般
緬想吾門二台輔赫赫聲光播千古吾門近日冷如灰宇內誰
堪追步武洪州有箇人中傑彬彬文質夐殊絕
磻谿版築且同塵陋巷簞瓢自怡悅至人用舍固知時窮
達於吾何有之收得中原無價寶安邦定國猶糠粃
竭來訪我空巖客颺颺熏風動庭柏坐對紅稀綠暗
間慨古傷今長太息滄桑幾變何足數浮名浮利如
塵土丈夫唯有道堪尊道存意氣充寰宇目前見徹
道根源夜半日輪正當午裴兮韓兮安足論祖兮佛

兮亦何取人王孫卽法王孫默默常談不二門要識
天外尊貴處倒騎鐵馬上崑崙

示魏明鄉居士

不忘靈鷲當季囑示作南州有髮僧放下萬緣來選
佛蒲團孤坐氣棱棱

示羅無塵居士

本來面目淨無塵徧界明明獨露身吸得西江涓滴
盡曇華又放劫前春

卽韻答呼總戎

閒看柳綫綠含春縱舞塵埃不帶塵貌是將軍心是

拙謹

佛眼如鷺子見如神新詩謌寄眠雲客古道曾聞面
壁人端的無身無住著何妨徧現普門身

宿香城寺和寂音尊者韻

二首

古殿鐘寒眼更清蕭蕭萬籟盡停聲松根火暖平分
座柏子煙凝列作城案有斛梅春正好牕無山月夜
偏明不知竹裏連雲樹趺坐於茲夢幾經
漏盡更殘話轉清時間隔壁打呼聲夢緣斷後空雙
眼智境符來逾百城香解染人稱絕妙燈能照自是
圓明劇談幸有知音在誰更區區讀夜經

示鄧惟憲文學

家近西峯倚翠巒牕開時復見僊壇不啞僊子趨歧
路豈訝桑門作異端琢句立殘天際月翻經然盡篆
邊檀達人自昊超方眼三教何妨一體看

示篤初居士

四首

結屋西山下悠然長者家門迎蕭岫月牕映北谿霞
不飲陶潛酒時烹趙老茶閒同雲外客一歎破千差
百季同一夢夢裏孰惺惺身世蜂衙蕊功名蟻逐腥
纔驚槿樹萎又見桺條青獨有君先覺晨昏一卷經
僧俗形雖異賢愚性本真試看燈錄上半是白衣人
有念皆爲染無心始出塵有無俱坐斷全露自家珍

機道

卷之二

十一

卷之二

蔬食堪明道原居可學禪但尋衣內寶便是火中蓮
詰老髻猶在龐公頂未圓豁開真面目何礙共談玄
贈法空禪友

二首

音以目觀雲將耳聽聞見既超聲色何病一翳在眼
萬法紛紜三日聾後方堪聽雲

西峯之上南嶺之巔一菴寂爾百衲翛然猿鹿旣馴
牧樵皆化凡厥有心咸知德大

贈洪浪禪友

巖棲樹宿也安然況是溪峯有數椽艸榻矮趺三布
衲蓬牕高事一金僊閒雲靄靄籠幽石皓月娟娟印

碧泉見道渾忘山共水桃華翠竹祖師禪

石幢卽景

六首

石幢菴

依巖結屋兩三重重疊峯巒聳碧空奇怪石頭能自
立法幢高建白雲中

惺惺巖

虎丘曾被生公騙忙點頭來未是惺何似惺惺巖畔
石長季無說亦無聽

別傳峯

祖師足未離西天碧岫攬先示別傳文字語言渾不

著霸霸對面共談玄

師壇石

金禰傳得去忽忽坐冥何緣落此峯想是頭陀拈不動至今攤向月明中

一錫峯

特地橫挖錫一支穿雲渡水不曾移多季鈍置孤峯
裏他日還堪付與誰

三笑洞

辟蘿深處洞門高把臂何須倩陸陶幸有二三知己
在不妨談笑破塵勞

白法院卽景

六首

亮公洞

無地可逃名有巖堪嘯月誰謂不談宗古洞霸霸說
且喜崖

嶮崖猶壁立喜翁何所之古今無限意低頭祇自知
石帽峯

登高當九日帽落幾千載磊磊戴山巔狂風吹不散
龍舌石

片舌慣藏鋒興雲不吐霧我愛趺其中蒼龍莫相妨
象鼻峯

換述

一卷之二十一

七

卷之二十一

不萌艸下眠了無狂犇想鼻孔自遼天遍古徒瞻仰
馬駒久不鳴此曲誰新唱選得一尊歸雙睂在眼上
選佛場

侍我居山六七季頑皮痛打不曾穿欲知棒底真消
息石帽峯頭月正圓

香城卽景

十二首

香象橋
身作橋梁行最高度人度物不辭勞若非法堦真香
象誰敢當頭觸怒濤

石師關

不是凡胎生孕得豈從烏弋國中來巖巖獨踞重關
上百獸聞風心膽摧

戒珠峯

無持無犯是戶羅掩耳禪和似不多卻許孤峯知此
意圜陀地碧嵯峨

洗月池

湛水清光亦是塵誰知影象總非真者回濂盡光和
境不作茫茫階下人

講經臺

檢述

古漢集卷之十

嶽頂臺高鎖暮霞是誰多事撒泥沙縱饒講得天華落爭似忘言野衲家

古硯石

盡道古人摩硯石那知石硯解摩人張顛懷素今何狂一片精堅尙未涙

合掌柏

無手如何能合掌須知開合兩無心歲寒不改蒼蒼色節操從來異衆林

揚眉榧

香寺昔聞榧有眼誰家又道解揚眉無中唱出如相

悉露柱生兒未是奇

青蓮石

誰言陸地不生蓮一朵青青插徑邊歷盡寒暄無異色濂谿應亦羨當季

白雪谿

浩浩隨流不變色明明不變卻隨流分支已潤人間世古澗寒光尙未收

羅漢壇

五百聲聞齊打哄閑梨園裏解抽身壇中高坐渾無事冷笑諸方捏怪人

撰述

古今圖書集成卷十四

將軍峯

功成名遂在煙嵐。羨公侯伯子男。片片赤心麥碧漢。巍巍千古護名藍。

哭本師和尚

壬午孟秋七月七通玄峯頂西風疾吹折東南大法幢。人天恃怙從茲失。小子入山方一季。恰拾松柴煮橡栗。俄然千里聞訃音。仰天哀痛不成泣。吁嗟叢林正下衰野干。成羣鬧啾唧。濟北之道如縣絲。誰秉慧燈開暗室。吾師傑出陽羨山。揭露玄關猶杲日。不說諸方五味禪。直指當陽一直實陞其堂者。羣疑銷入

其室者藏於密。五湖四海導人師盡是。吾師腳下出六坐。名蓋振祖風。九重城內曾相悉。翰野同欽古佛來。眾魔不敢生憎嫉。將期永作中流砥。誰謂化緣今已畢。我憶當季初見時。疑團如獄心如荼。合爪趨前問未申。白棒臨頭兼咄叱。直下皇皇雙涕垂。食不甘今寢不謐。自此心眸頓豁。開始信看橫鼻子。直八載周旋左右間。硬掌麤拳何妙密。而今孰是箇般人。夏與一頓洵超軼。遺憾滿腔寫向誰。目眎重霄空閣筆。也知市地起清風。與師相見非形質。昔旣不來今焉往。相憶相思又何必。奈何師絃忽絕響。眾盲觸處皆

60 1 2 3 4 5 6 7 8 9

10

80

1

2

3

4

5

6

7

8

9

後述

古今圖書集成

卷二

成室堂堂我師寂光中寧不略爲羣生恤鏡形水月現何難願輪活潑原無尼合同船子去還來震旦不妨重遊醉颯颯金風玉露垂枝頭葉落聲蕭瑟瞬息光陰暗逼人轉眼於茲一秋卒師恩如海重如山慚媿未能酬萬一風前惆悵漫追思萬疊雲山高峯律

次韻贈友

鉢帯同傳十五春西拋東擲不黏塵閒披壞衲隨雲雀謾結團瓢類谷神秤子無心能辨物頂門有眼卻知人白峯舊話頻頻舉老大還驚夢裏身

古雪詰禪師語錄卷十七

古雪詰禪師語錄卷十八

嗣法門人傳我等編

偈二

闢亮公洞

有序

亮公古之隱者也亮公洞西峯之古洞也古之人道眼既明直入千巖萬壑之間茅茨石室匿迹韬光目暎雲霄宵忘人世豈得與叔季沽名釣譽之徒同日而語哉昔司馬子長之贊孔子也則曰高山仰止景行行止雖不能至而心鄉往之予於亮公亦然頃因暇日偕二三子趺坐龍舌石上偶見

其旁隱隱有石戶乃相顧而笑曰此中幽邃如是無迺亮公盤桓偃息之區乎遂命二三子剪荆弟抉壞塊平高就下外實中虛幽洞俄闢曲徑亦成迺顏其洞曰亮公蓋亦竊慕其遺風云爾客曰亮公之隱於西山也埽蹤滅迹人莫能知矧已化去數百季矣而師乃今以洞名之得非爲虛空安耳穴乎予曰噫子何見之陋也子徒索亮公於影象庸詎知夫眞亮公乎夫亮公向馬駒一言之下頓息萬機則盡大地是一亮公無古無今無隱無顯無在無不在卽今松竹搖風藤蘿抱石鳥哢華笑

雲散月明無非是亮公示現處子何見之陋也客曰若是則古洞儼然亮公何在予曰伯牙與子期不是閒相識客曰忽若覲面相逢時如何予曰直入溪溪處衝開上上關客橫趨而去予與諸子坐洞中歡清茗聽清泉杳不知身之在人間世也因援筆以志之時乙酉又六月立秋後十日

舊洞新開傍翠岑廓然獨見亮公心煙霞坐臥遺韻寂日月聲名自古今白石猶標無縫塔寒泉特奏沒絃琴半千季外風流在未審何人和此音

禮大寂禪師塔

石門深鎖石浮屠落落遺蹤羨馬駒姓字昔曾揚
竺國兒孫今已偏寰區艸青古徑憑誰雜月冷虛堂祇
自娛三拜起來長太息何時再振舊規模

寶峯懷友

古寺殘燈冷翠微是誰重別見餘輝象龍喜聽槌初
白猿雀愁看錫又飛碧岫暖雲眠五老寒潭孤月照
雙磯晨鐘未許驚遙夢我欲登匡扣竹扉

辭寶峯請小參

說妙談玄數似麻頽綱委地轉堪嗟泐潭幸自清如
鏡何事於中亂撒沙

送洋維那

三回上白法兩度躡珠峯畢竟緣何事歧路自憧憧
四月五月天正熱腰包又卷怯怯別且將白紙覓伽
陀誰知此道離言說君不見彌彊克賓曾法戰饋飯
罰來趁出院頂門不具超方眼臨機未免隨情轉一
機相契萬機休山川何必都遊徧風前透得觸背關
千里萬里長相見

卽韻答舒八茂才

牕外煙收見遠峯如旒如髻兩三重地幽易使紅塵
隔苦老難將古路封玉帶未蒙君子擲禪關先許道

人從何時吸竭西江水握手同論不二宗

石門道中

枝頭蜀魄一聲聲百里春山送又迎拈得泐潭潭上

月直教千古照人清

過匡廬訪、菴禪友

搭策原非爲避炎故交今臥五峯鐵山分兩國人猶舊水隔千谿路欲淹楓葉乍驚秋色老木樨初綻冷香甜現前幸有陳公案且對知音一笑拈

宿雷岸黃給諫谷口艸堂

九州蠻觸各爭鋒誰識隆中有臥龍門外及時栽五

桺牕前鎮日對孤松鬢鬆短髮蓮華笠瀟灑乞鞍紫竹銘幾度夜深延衲語世情何似道情濃

贈古雲印菴主

紫竹心空道已南一枝秀出綠蘿菴敲殘夜雨風生壑埽盡晴雲月到潭小跳且將千澗煮高名未許萬峯函翻思長者當年事羊鹿牛車謨設三

凌霄崖懷徧融老窟

峭壁層層近斗旁參差怪石自成房賣柴客去苔華老揮塵人來貝葉香徑窄有階容上下臺空無地寄興亡禪家況是超今古日日門開對漢王

攬道

再遊龍雲寺 乃巖頭巖禪師說法處

午夜寥寥霜磬清冰輪偏向客牕明雲收古殿龍常現風鼓寒林鳥不驚竹榻已空塵劫夢地爐猶話舊時盟也知巖老原無恙此際何妨一再行

紀夢

臘月蓮華夢裏開紅光遙映碧樓臺已無綠葉擎雲蓋賸有青莖傲雪堆十四朵分元玆帶二三友翫不同裁醒來獨自摩挲眼猶覺香風枕畔回

贈竹菴法師

講罷楞嚴入翠微茅菴深自掩雙扉一聲竹斲香嚴

夢數點星寒鶯嶺機木落遙天山正瘦艸枯平地石偏肥蹠綈玉塵高縣壁且看紅爐白雪飛

禮東林遠法師塔

聖哲不再生森森思陳迹步出虎谿西餘波吞落日西阿霜雪林斜枝徒鬱密荔塔尚巍然高蹤何處沕荒院四壁圮龕燈久如黍古路覆苔蘚砌艸枯還苗吾慚少苾芻師堂頗堪謄理策上空階荆莽胡能室合爪向堵波歎欵王拜畢徐徐讀謝碑孤標見行實維昔晉室衰賢明多隱逸或謝三詔書或辭五斗祿或落知解阨或爲文字桎師自鴈門來乘時乃一出

結社匡北郵黑白十有七蓮漏六時聲聲同一佛
匪不欲談禪良由機未一循循善誘之久乃堪入室
一心苟不亂成佛亦何必啓茲淨土門師實爲之帥
師歸門徑荒蓮池春水溢紅紅異見輩巴歌和啾唧
唯師獨不然文必稱於質著書盈萬言厥論高且軼
論高尚可尋旨深卒難悉遙瞻擲筆峯雲端尚翠律
末世行解違空言世所黜師操逾冰桀束身猶以律
寧殞夢幻軀不飲傷生蜜優曇華旣摧滿地生蓬草
徘徊不忍歸臨風多惕怵安得若而人爲師重繼述
黃給諫命含輝長老請住東林卽韻辭之

忘形爲法豈微緣扶病衝風艸店眠破曉入雲招野
衲乘時住院繼先賢蓮華社令憑君續柏子禪高敢
自專爲我寄聲林下客祖燈須是大家傳

再遊西林寺

鱗鱗萬瓦古牆藍幾度凭軒憶永曇機謝每來雙虎
侍道高嘗卻衆僧參煙霞有意繁香谷風雨無端如
塔龕猶喜波離真子在閒提金錫振匡南

偕六菴訪別峯法師不值

共友還尋友淡淡下艸坡林空枯葉盡樹老活藤多
出谷雲將雨環谿水欲波到菴唯默坐閒卻幾如何

60 1 2 3 4 5 6 7 8 9

80

擬題

懷青閣

傑閣新營古寺西，登臨便覺萬峯低。鷹披青入寒更，
夢人破曉開浩劫。地直襍有光韜慧日皮輶無底出桐谿而今不和新豐曲格外家風赤手提

過東林和本師和尚壁間韻

二首

四句伽陀一味禪，知音不遇也徒然。當時若得師垂手法席，應超晉宋前。

不談淨土不談禪，白社風流已寂然。十八高人相對坐，忍看秋色滿庭前。

五老峯

不學陶潛隱雲端，共出頭插霄分五位。閱世幾千秋，
石露嶮嶒骨天開。紺碧眸羣峯雖雪頂，猶是子孫儔。
五乳寺

二首

五乳峯頭禮昔賢，行行正值菊華天。慾公已作盧公伴，折腳鎗留待孰煎。

行解溪溪已入微，全身不壞示真機。塔中莫謂無言說，萬象森羅聽指揮。

別小菴禪友歸西山

已盡登臨興還思，返故岑浪遊非有意。卜築本無心，
霜重蒼苔冷。風高古木森，隨身一杖在。信步出雲林。

校題

高麗書

卷之六

遊雲居次日大雪

萬仞歐峯挂夕陽歲寒猶見柏蒼蒼禪房彷彿摩星
斗祖道依稀憶宋唐雲出寺前山轉秀月臨湖上水
生光我來尚未閒揮塵何事天華落滿廊

輓顧愚大師

二首

繖居常閉戶語默悉圜通但願精三學無心繼五宗
石城華正萎歐阜月當空恨我生遲暮區區仰德風
世外全高節寰中獨讓師王侯曾莫致名利豈能移
一目津梁歇千峯猿鳥悲未諳籌室裏幾箇是親兒
雲居除夕

浮生皆逆旅何處是家鄉看底客塵盡胸中世念忘
燈搖殘歲影風遞古梅香坐久推牕看春光已上堂
仰天窩不歡禪者四首

春日熙熙春氣和扶筇攜友上天窩白雲何事多偷
嬾不肯隨風下綠蘿

爲僧最好是居山山色谿光鎮日閒欲得不遭閒境
感直須親透趙州關

祖師心印沒囊藏日夕舒光照艸堂心境未能融得
盡不妨策杖走諸方

石牌茆屋萬峯巔夜夜踠星壁上懸老衲焚香相對

接連

語不知身在率阨天

瑤田寺

羃屢松煙靄路東寒鐘十里逐谿風牧童幾度歌聲
滑盡入無生曲調中

城崖山

百尺崖頭地一拳利竿高豎指青天孤雲片片來投宿
伸腳同參自在禪

酬慧習者舊

迦陵久已不聞音大馬羣喧古殿心鐘鼓難侵存碧漢
杉松易老賸空林寰中弘道全憑願格外知音竟

在琴但可堂堂扶白法那能眷眷惜黃金百季雀角穿禪室
一旦孤蹤遠翠岑霜華景裏蓮華吐瀑水聲中雲水臨大功既就傳無際慧談常明照不陰顧我酸寒慚繼席倚筇崖畔骨毛森

卽韻酬雪堂熊少宰過訪

寶殿夜來書積雪密機密識神先裂笑看師象集雲端立聽疎鐘敲夜月頭顱雖別願還同雪上重新古梵宮誰謂毗耶消息斷明明市地起清風

懷于岸熊廣文

絡緯初鳴萬樹秋井邊梧葉下枝頭火雲燄冷金風

動素月涼生玉露流巖桂香浮人夢覺田鼴聲鬧客
情休遙知方外熊司馬迷悟雙關一筆勾

卽韻酬士業陳司理

松菊頻栽三徑中紛紛香氣遠浮空器堪宰相心慵
應道可傳燈志愈工瘦柏傲霜枝自老修筠敲雨節
偏雄鴈行未許柴桑竝白蕪華開優鉢叢

卽韻答谷暘笪明府

蓮華社內久潛神知是多生有正因指點羣迷官卽
佛廟清四相幻全真煙霞已傍林泉老艸木忻逢雨
露新法運也隨天運轉匡扶還藉解空人

翠巖寺卽景十二首

釋迦峯

星星瀛髻聳危巒鷲領西峯不異觀誰謂法王無面目
我峩峩千古露雲端

迦葉峯

糞埽毬毳髮不刪多季雞足自偷閒者回突出孤峯
頂一度華開一破顏

鉢盂峯

雙谿捧出鉢多羅數樹松華蘸碧波我亦欲傳真種
骨不知誰解說伽陀

達摩峯

葱嶺無端証俗人幾時藏得祖師身青峯萬古摩霄漢舉眼看來更逼真

無雲嶺

雲影枯來山更峻月華高處路猶迷达鞭踢得虛空破無限風光在嶺西

鐘鼓石

巨石雙雙挂半空橫如法鼓豎如鐘知音豈枉頻敲擊自有希聲達九重

磬石

頑石何因遠近聞祇緣清韻自超羣隨敲隨應無高下幾度和風奏夕曛

迎笑堂

金師生得玉麒麟一笑相迎眼倍親十笏洪爐猶未令不知誰是爆箇人

拍洪樓

西閣崔嵬欲接天軒牕面面七星縣洪崖縱有神僊術應立禪家次一肩

妙高臺

石摩日月樹摩星下眎羣峯數點青身在其中誰覺

峻悠然如步梵王庭

洪崖橋

雙谿匯處浪華飛誰共浮槎接翠微寶所不遙須進
步莫迷煙柳竟忘歸

雷護橋

果熟霜林紅欲然誰家兒女不垂涎迅雷豈是多偏
護要使偷心當下捐

蟠龍寺

松竹蕭疎曲徑成煙籠紺殿碧苔生世殊莫覩高人
塔碑斷猶存見性名魚躍淺塘華正發鳥歸深樹月

初晴晨鐘暮鼓渾無恙誰續當年說法聲

登香城寺古基

寶地談空日焉知我不聞化移煙艸合錫振雨華芬
荒砌寒籠月高臺冷覩雲順瑛何處是相笑對斜曛
卽韻酬晦山禪友

萬指叢中我最凡自甘沙餚煮寒巖豈期爝火輝名
利卻出煙嵐種小杉壁峭四時溫有雪囊空幾度凍
無衫隔邨高衲能同調寄得新詩貯滿函

送無住歸石屋

孤峯頂上石爲菴歸去應須著實參佛到且從門外

立客來休雜世間談煙霞渺渺堪成侶松竹森森盡
指南徹見舊時人面目果然非女亦非男

示獨尊上座

千重百匝亦何妨舒卷從來別有長但得腳跟紅
斬不須歧路泣亾羊

贈山翁和尚住青州大覺

傑出庚峯是老兄令行吳越獨崢嶸五遷名利轟塗
毒再捱長竿釣巨鯨東魯竚看迎活佛西江遙聽播
芳聲須知華雨繽紛處端爲宗門集大成

卽韻答天童奇和尚

鄭峯一語破重關道譽先流寰海間霜鬢老兄原不
老灰心閒弟愛偷閒松培萬樹林添翠鱗躍雙池水
欲班閩蜀也知聲調合同風何似夏同山

寄亡任禪師

人境俱忘後泥牛妬碧潭燈傳深洞火華擁綠蘿龕
閩蜀風非別洪筠月自含翻思煙水日無夕不同參

詠筍寄觀首座

高節深蘊未出頭和沙和石湧爲儔養成一色凌霄
翠撼月搖風振未流

送玉浪上座南詣

撰述

籬菊香飄細指南孤帆偏愛向遙參吳山越水休淹滯一箭須穿五十三

示繼曇瑞侍者

細細一毫頭明明無量義一蹣便知歸已自落第二
那堪費鹽醬捏回野鴨鼻那堪吹布毛父子相鈍置
翠巖雖有言無說亦無示早晚侍巾鉢莫負參方志
一拳拳透祖師關曇華繼現千林瑞

送十虛禪人歸武夷

武夷有峯三十六拔地凌霄如削玉之子離塵家此
中老樹蒼藤幾回綠六六峯前九曲泉泉中一葉可
憚有鄉情在從來鳥倦亦知回

卽韻送藏西堂之閩

杖底凌雲氣飄飄過別區詩文囊佛鉢日月貯僊壺
頒白猶行腳毋欺是範模艸芳千嶂碧風動七閩孤
劍水浮舟楫重城放僕姑但能舒片志何在疊雙趺
見羈爭黧枯疑銷葬野狐忘機情易竭固理萼難圖
路險輶頻斷峯高策自扶碧谿唳白鳥綠樹繞青蚨

粵粵關如透茫茫海亦枯殺生生始活棒佛佛方符
颺下荆山璧寧貪赤水珠不迷原不悟誰智復誰愚
吾里君遊日君鄉吾化孚秋風望歸笠相共解愁胡
示無塵道者

大道幽曠唯證乃知鷺子莫測豈涉言思言思路絕
無說而說是以宗門棒棒見血英靈道者直下承當
竹翠松青了無覆藏見聞不隔根塵匪迫銀漢窟高
蘆葦月白出處入生雨施雲行不作聖解肯落凡情
凡情不住常光獨露朵朵芙蓉火中正吐

贈智閒禪友

并序

智閒敏公與予同侍天童先師於祁御史園中予
擬至西江結茅呈偈以別先師擲偈怒罵不已予
竟力辭先師隨後追至梅墅堅畱予已登舟去矣
公獨侍先師天季後始誅茅別峯噫予事師之不
及敏公多矣昨承訪翠巖復述其事予爲悽然涕
下因次韻以贈并懷先師

御史園中貌座前別來月色幾回鮮十季友越千峯
至萬里雲將一步還白髮共嗟明鏡裏烏藤誰契峻
機先翻思老漢婆心切淚滴谿頭顆顆圓
示春侍者

祖祖相傳傳此心此心不屬去來今了知心法傳無
際春到人間萬木森

示同山後堂

明暗雙彰殺活機等閒拈出絕思議主賓分處如相
悉烈燄爐中白浪飛

壽玉菴老宿

十首

王菴承公今臘八旬予適有閩嶠之行乃用島詩
一僧季入十世事未嘗聞爲韻作偈十首預爲之
壽

雪嶺夢回時汀州紱磨日德臘兩俱高西峯推第一

塵勞海正出棲鳳嶺先登不醉曹山酒居然一聖僧
泉洗池邊月華開石上蓮片雲橫古寺憨臥竟忘季
面門者固多耳目猶聰察偶爾閱殘經雙眸如二八
閒步別峯巔驅烏趁不及如此老成精何啻百二十
殊寺不殊僧同鄉不同藝君獨閒一生我慚恠半世
壺中天自寬誰云耄將至閒坐困卽眠此外復何事
晝夜一百八妙機超情謂不知韓相公睡眼曾開未
君且不思鄉予心豈弗忘奈何緣未了鄉水又重嘗
生卽無生句叢林已狀聞爲君翻別調孤鴈破寒雲

示兩序十首

并序

60 1 2 3 4 5 6 7 8 9

80

1 2 3 4 5 6 7 8 9

機述

母難日兩序設供請陞座祝壽予不諾因垂問曰
棒下無生忍臨機不見師既是不見師更祝甚麼
壽一僧曰知恩方解報恩予曰也是順水之波僧
曰老老大大面皮厚多少便出予因命眾頌棒下
無生意旨復以二句爲韻作偈十首示之

予初入天童嘗疑此一棒誰信活骷體頓見光明藏
慚愧老頑皮知打幾百下擊出夜光珠舉世難酬價
人道常州有我道常州無有無俱踢脫壽量等毗盧
霜葉此時墜漚華此日生虛生三十九一事總無成
我生最轍軒百苦曾備忍不陟太白峯驢季苦未盡

水雲不相約紛紛自遠臨翠巖無法說意路謗思尋
語言文字外別有活人機不是鳳凰子九霄未易飛
諸方盡相肯自家還肯不偷心如未休醍醐反成毒
臨濟正法眼瞎驢獨親見肉骨已雙還突出那吒面
具得殺佛手堪與佛爲師逆水能興浪始稱師子兒
示行耀齊文學

一點靈光耀古今莫將知見別追尋行超顏閔猶歸
漸學邁韓歐未足欽有念盡爲顛倒念無心方契本
來心谿聲山色分明在好繼東坡悟後吟

示普副寺

夢入精藍境亦奇掀翻鉢袋復何辭饅頭雖鈍能無
倦囊底常空似不知青菜葉呈真實相破伽黎示古
風規會須記取當季夢莫負蒼蒼兩道眉

四旬初度

露滴芙蓉四十秋電光石火一旋眸道慚北濟波濶
闊錫卓西江歲月流紅葉易搖霜後樹白蘋難翳雪
中舟五湖共豎三千指誰是金鼇上直鉤

雪中領衆斫柴

十首

磨刀

欲取溪山雪裏柴刀兒須是快如飈門前有片青青

石莫惜三回兩度揩

著履

紅鞍韁襯襪尚嫌單込屨如何禦得寒欲陟斷崖千仞
雪直須緊捎莫辭難

呼伴

誰聞行苦不攢眉况是冰華滿樹時伴我入林無難
色許伊堪繼葛猿兒

入山

極目青山盡白頭單刀直入展雙眸試看何處堪垂
手莫使衝寒恣浪遊

60 1 2 3 4 5 6 7 8 9

1 2 3 4 5 6 7 8 9

選柴

參差散木自宜刪
畱得杉松覆碧山
謗謂柴頭情識在
從來殺活有攸關

剪棘

周遭荆棘貴先除
免使牽連礙短祛
任是葛藤長百尺
一刀剪盡更無餘

研斬

柴椿多是凍成堆
凝結層層撥不開
盡力一揮方倒斬
空山依舊碧崔嵬

束起

斫得艱難束更難
攔腰束起勿令寬
兩頭輕重須無異
始可全提下翠巒

挑歸

玉樹瓊華滿擔挑
歸來何啻一冬燒
飽柴飽水渾無盡
香積從茲破寂寥

放下

萬苦千辛得到家
從今放下足生涯
洗將雙腳爐邊坐
遮莫長空墜六華

再住翠巒

聲鐘極力辭
豈敢負相知
進退非無故
行藏各有思

撰述

卷之六

六

月高鄉夢遠歲久道心疲去去又畱住偷閒在幾時
擬漁父辭十首

并序

甲午夏予與諸子輯元明以來諸老語要入續燈錄因念從上尊宿無不從刻苦真參大誓奮發中得來益誓不太志不苦則中道而廢惰矣安能透瓦透底徹證徹悟哉乃摘其參證行由歷歷可稽者作漁父辭十首命曰宗門標格以示諸子客曰法無定相豈可拘格則乎隔江橫趨一蹋便徹又何嘗費許多鹽醬來若以次法繩人則西來大意翻成塗轍矣焉得爲圓頓教耶予曰噫子所學者

近代之禪也寸香未了心識紛紜片語合頭便爲省發一期之間稱悟道者數十欺天欺人歟予恐圓頓教門將如冷灰矣今子徒知水潦高亭之得處瞽脫而不知其苦心研究非特一生兩生千百生而已耳予試問子馬駒一蹋是次法耶活法耶客沉吟予連棒趁出

天目高峯妙禪師

北礪塔頭才問訊何事烏藤連打趁轟雷掣電未爲迅門千仞垂手相牽不肯進者漢眉毛都落盡見聞夢想何須擯五載骷髏蘊鐵櫬枕兒震一聲撲碎空

王印

天日斷崖義禪師

六華散處山河頹客夢初醒松露汎灰關辣手誰堪
忍全身噴伎窘懸屋心未窘七日不證誓自盡朝忘
飲啄夕忘寢南北東西原絕朕豁然首石中迸出摩
空筭

靈雲鐵牛定禪師

截取頭做首屎杓片語堪爲靈驗藥任他百病一時
作忘驚愕更不追追尋扁鵲勵精提起本參著日曉
不交雙淚落驀然擺斷黃金索乾坤廓曠劫沈疴從

此削

金陵碧峯金禪師

五穀胡爲誓不食疑團鬱鬱填胸臆柏葉松鍼且延
息自鞭逼着山萬仞曾親陟伐木丁丁聲太直呼起
法身赤吉力汗如雨霆歡無極水莫減定中消息誰
能測

妙果竺源盛禪師

大地平沈無一物誰是人兮誰是佛參天荆棘從茲
剃非勞鄧全體頓現何潛沕無間雖溪不足恤苦是
袈裟下身失弘誓不堅焉得出須委悉莫待臨婚治

瘞疾

天眞毒峯善禪師

阿鼻永墜誰欣願
渙志苦行方健名利牽人蔓復蔓
殷勤勸休把光陰棄分寸聲色頭邊原不潤
金鐘未動鼓先噴大夢未醒猶困頓正悶悶一槌敲斬千生恨

護國無用全禪師

古來刻苦真參者寧可無言不亂鴻虛頭伎倆俱消也
居叢社孜孜日夜如聾啞一拶當機同大冶睡不安兮食不下虛空粉碎方瀟灑無可把倒趁泥牛騎

木馬

香嚴古溪登禪師

大器從來不自肯已越凡流千萬等譬如登山須到頂孤迥迥丹霄獨步誰能並趙關未破徒咨鼎從前解路皆酩酊奮然一拶頭如剉夢初醒團團皓月當空炯

壽昌無明經禪師

寰中久寂新豐曲野干啾啾空躑躅西江再誕古西竺超流俗斷絃喜見鸞膠續日裏開田夜燈錄一座好山千載毒默默提撕自催促蓦然觸石邊飛出遼

天鵝

天童密雲悟禪師

積薪觸發生前事恩愛牢關一時棄曉夕咨參求指示惟罵詈那知句句吹毛利情與無情原不二翳根未拔空華墜銅棺頂上回頭昞煥然地聲歎無非西祖意

懷笑巖和尚四首

有序

笑巖祖翁以萬曆辛巳春化去塔於燕之西城羅公大參銘之甚詳先師住金粟時已將南北集并銘梓行於世天下學者家諭戶曉頃有蜀僧謂尋

之十二季而不得海內實無一人知之乃作四詩以紀其事庶後之稱子孫者知其祖翁尚在噫晏誕之談何異井蛙醯雞耶因卽韻以志感

從來大隱不居山柳巷何妨露一斑霹靂舌藏人莫委嵯峨門啓孰能攀蕭蕭煙笠傳南遠落落浮屠鎮北閒今古西城城上月盲龜咄咄淚潺潺

殘碑幾度繡莓苔古塔依前郭外隈蒿長砌邊枯又活雀巢鐵上去還回一燈有燄東西續入面無門晝夜閒十二季中尋覓者未曾親見謗疑猜

小小菴居矮矮楣誰知正與道相宜生來不解圖虛

譽歟去何須立峻碑一火活焚真父母百年遙誕好孫兒珊瑚殿上風光在門外遊人那得知團團無縫亦無方合爪趨前已面墻潭北湘南金玉國鍬頭鑊底利羅場斲瓢縱可修殘穴片石徒勞補上蒼寄語野盤途路客祖師不在帝城旁

焚萬松評唱

公案若依評唱會祖師焉用特西來而今一火都焚卻免使兒孫口亂聞

古雪詰禪師語錄卷十八

嗣法門人傳我等編

偈三

卽韻答崔臺熊銓部

北窓高卧獨知微敝衲曾勝玉帶圍華滿園林渾不戀鷗閒湖岸竟忘機青青五柳今猶在落落雙蘇世所稀峯頂鼓鐘聲未寂隔江招手幸無違

謝函三蕭憲副送額

寶域重開已六秋文星時映碧谿頭霜隨玉輦飛寒谷月逐銀鈎上翠樓一帶乍留千古頌四言雄鎮萬

撰述

峯幽仁風自此披泉石鐘鼓謳歌竝未休

次山谷韻答熊少宰

自顧一身輕任此天下重掌握有樞機縱橫皆妙用
爲我豎法幢幾載切寐夢一旦獲楩楠可梁亦可棟
因知雪中書奇識今始中誰云泉石幽不與廊廟共
試看補袞手摘取曇華供我有沒絃琴遲君同撫弄

酬黃山恒證禪師

六六峯談最上禪奇松怪石總三玄一枝秀出新安
迥四面光浮古殿穿雲海倒傾機未活桂輪全落見
初闕知君已得先師意千里何嘗有一天

輓林野和尚

汾社六兄弟唯君最逸羣君先鳴海嶠我獨卧江雲
栢老蒼枝折霜寒紅葉分玲瓏末後句千里孰親聞
輓箬菴和尚二首

長空爲座水爲琴廿載頻宣石磬音兩浙忽沉天際
月千峯猿鳥亦傷心

先師金錫下西湖曾見吾兄持虎鬚往事不堪嗟逝
水克家喜有鳳麟徒

寄夜日杲書記

梨華兩度笑春風客路迢迢窮未窮好把善財參遍

句歸來說與曼殊翁

卽韻酬澹菴莊內翰過訪

二首

撥草遙尋世外師翠微推倒更由誰
祖關未透沉空有玄旨才明越卽離
幾樹丹楓霜月裏一聲牧笛朔風時
袖中無數如椽筆佳景何妨次第題
剪盡人間爛葛藤翛然塵外儼如僧
木天署已傳心學金粟堂期續祖燈聲色見
聞同水月鹽梅舟楫亦宗乘达輶頭戴
知音者斬卻狸奴似不曾

燈華

不借東君力通紅夜夜開一心唯向上數朵絕纖埃

蝶飛難近冰霜凍莫摧昏衢曾照徹續談待誰來

贈天鼓震侄禪師

五老殷勤畱不住衝炎特特到西山行藏已自超儕輩
真賡何煩更照顏桂萼漸敷秋色裏鴈行遙唳水聲間報恩定有驚人句一棹姑蘇勿更還

贈古眉山侄禪師

萬仞峯頭自活蘿世心冷落久如灰雪迷樵逕人難到雲鎖蘿屏晝不開夜靜但聞鳴瓦乍春深未見響晴靄應思南澗當年囑曳杖乘時破碧苔

南昌槐李寺陞座

不懼彌空雪軒車自遠迎地幽新插草寺古舊知名
春色凝槐李湖光映塔城回機如透徹法法演無生
宜川石葦寺陞座

春風爲箭月爲弓幾度穿雲射碧空猿鳥謗驚神臂
遠象龍應識祖機雄葦從峭處蒼煙斷石向虛中活
路通扶杖卻慚登猊座千年公案話無窮

臨川南源寺陞座

古澗源深處濤聲雜鼓鐘峯迎天外錫潭育法中龍
慕蘭慙先喆弘宗愧短節再來如有約春到草茸茸
盱江景雲寺

兩姑如西峙西南遙對空王默默參玉塵豎來成第
二璃盃未舉見前三池深蝦蟹眠初穩春暖鷗鳴翥
亦堪信宿卻煩開丈室閒談誰信是玄談

盱江資福寺

吾道原無諍波旬影射空嵯峨瞻玉殿寂寞憶金峯
關密人難度年淡草自封聊將摩詰默爲子會殊宗
宿蕭君殿

水中月影樹頭雲印現無心合又分日暮不須投古
寺焚香下榻有蕭君

杉關道中

敵樓無戶塞無牆
絡繹寅昏有巨商
閩嶠月同章水
月諸方何苦話關防

石峽聞警
驟雨狂風報綠林
誰知盡起自家心
欲令萬戶常安枕
斬取心頭殺盜濤

杭川華嚴堂

雀影雲蹤廿六年
今朝始飲故鄉泉
雜華已沐如膏雨
一瓣誰先綻曉煙

龍興寺

蘭若將圯盡猶存
一箇僧雨多侵佛頂
星朗代禪燈

蕭笠誰重覆香臺
我獨登杭川春正好
休負古龍興
龍吟寺

三條瀑布遙空落
一曲深潭浸碧天
夜靜龍吟歌梵唄
應知此地卽祇園

開放生池

十首

千指同商客一盃碧池特地爲誰開
殺機斲盡生機活
今古無煩問劫灰

問石

龜龜細石雖多何處林巒易出坡盡道東岡歸路

適宜昇宜載亦宜拖

修路

峯頭樵逕曲彎彎巨石如何運得還斫盡樹根刪盡
棘從敎驀直到家山

運歸

木船撐出碧峯尖老大如磐亦可兼莫謂下坡先放
意纜頭牢捉始安恬

命匠

石頭須是善安排鍛鍊無勞倩女媧應手得心稱大
匠誰知不枉吉陽街

下椿

水浸無傷是石頭緣何徹底用松楸須知合抱偏多
力一榦長椿百不愁

築隄

石一層兮土一層層層高築似嶮嶒逐彊細蟻無容
穴千古如山更不崩

掘土

頑泥難掘更難傾黏著如膠不易平鋤到月沉猶未
歇大家燒竹照淡更

引泉

不須別澗引寒泉鋤得渼時水自消門外一泓常湛
湛錦鱗從此見堯天

植柳

萬物榮枯各有時柴桑門外獨垂垂秋風黃葉蕭疏
下隄畔新栽三五枝

弔黃巖受業師

白侵雙樹後陵谷幾回遷舊隱叢新竹空林鎖暮煙
法言猶在耳寶月映何天翻憶古靈事傷心淚滿川
禮碧天和尚塔

一林紅葉醉秋霜祖塔凌空愈有光須信本來無縫

鐸不煩特地問南陽

悼明吾黃居士

千里迎予意最濃黃華白髮間秋風歸來巖上華仍
發不見當年白髮翁

悼若俊黃文學

千城梵苑經三世召我洪都歷五秋誰意法雷初震
地文星先墜百華樓

黃巖卽景十首

紫雲峯

萬仞碧崔嵬紫雲復如蓋登高一枝橫法雨已霧霏

木毬峯

團圓在峯尖四海同珍重除卻曾家郎是誰解拈用
碧天湖

湖碧天亦碧天高湖更高源頭如自委徧界鼓洪濤
放生池

十千天上客知恩謝流水解興同體悲天華來未已
解脫樹

生長祇園東皮膚常脱落葉葉與枝枝盡是慳貪藥
午時蓮

杲日麗中天芙蓉香正吐開合自有時爛泥豈能汙

貫華閣

高閣倚雲端是我脫白處試問貫華人笑聲何處去
一味堂

殷勤祀二僊何如參一味棒下自知歸滿室芝蘭氣
龍門橋

桃華浪潑天燒尾知幾幾至今橋上春歲歲催蛇虺

金釵關

太泄不通處金釵一放行未透此關者徒聞雪浪聲
懷王東里御史

玄關親拶透白簡亦慵拈漳水今何似烽煙幾度炎

榕聲猶颯颯嶽勢尙鐵鐵受得先師衲紅塵應不黏
五穀巖

重遊映雪地萬籟奏洪鐘弔古頻揮淚傷心祇築胸
華開經幾度葉落又陰濃誰謂寒巖裏新聞濟上宗
與振先居士話舊

我昔棄塵氛片雲出幽谷道情高且淡豈知有骨肉
孤身萬里遊參遍名尊宿何期紹祖燈出辭成語錄
皓首歸故鄉乾坤幾反覆猶喜麥秀中再見吾家叔
屈指廿六秋流光何太速握手話平生淚珠傾幾斛
誰謂尙義堂書聲成斷續定有鳳麟兒崛起光吾族

人生一夢耳降替何足恤所貴道眼明不爲夢境束
髮短固非僧鬚長豈是俗覲透未生前清光常溢目
弔國聘弟

最是傷心處同胞祇二人髮鬚子早斷骸骨汝先窀
已覺彭殤夢誰將祠禴陳鵠鵠原上雨點點淚痕新
謝愚谷繼曇若漚秋禪者助祭

爾我而今是佛兒應知慧命若懸絲當陽見得親親
面始可還鄉展孝思

辭來雲禪師請法

慣同石女話三玄病後俱忘五味禪何意秋風正蕭

索一天春色上巖巔

辭仰山專使

仰山古精藍勝槩甲兩府樵川與潭陽不過數百武
友公來豫章堂堂一代祖師號降九重佛日光寰宇
闊然三百秋宗風竟埽土紺殿長青苔道俗不忍睹
隣封七苾芻請我聲法鼓正值伏暑天畏日如畏虎
何當枉高駕夾脊汗如雨慚愧老病夫不足追前古

辭翠巖專使

二首

敲空情高最是西江月千里遙遙到谷中
百億閣浮露一丸誰能畱作久長看片雲出岫情無
著倦鳥歸巢興已闌黃獨旣移蘿糞火微書何事上
層巒休將千尺崖邊寺勞我雙睂日夜攢

示石堂陳孝廉

弘釋弘儒是瑋琦榴華多發向南枝廟廊未布如膏
雨切利先尋詰月師恩大君親圖必報道存性命貴
無爲池蛙聒聒薰風裏撞破乾坤更有誰

高陽鳳山寺

二首

芳聯奕葉是南禪法窟幽深豈浪傳路隔吾鄉才咫

擬連珠

唐詩品評錄卷之九

尺僧能合戶可容千猿因無鎖攀危樹鷗爲忘機入暮煙慚愧寶公曾瞰鵠兒孫今古學風顛
衷盡偷心始契禪心空正好續單傳果能實實行分寸登在叨叨語萬千豹背久披蒼嶺霧鳳毛應拂碧池煙柳條已束東風骨莫遣春來又放顛

過報國訪天怡禪師

青杉四面鬱童童何代嵯峨闢梵宮僊谷喚雲迷宿鳥杜谿將水送潛龍炎氛盡處清涼至皓魄升時暗相空坐對知音追往事萬千惆悵付薰風

答瞻百鳴九歌文學

二首

十里迎將鼓樂揚彩旗蔽日太輝煌自慚陋質非生佛何事氤氳滿路香

鬚髮雖遺道不遺道存儒釋總堪師錦標翌日如親奪記取櫛華爛熳時

示維遠李文學

二首

在家欲問做工夫不必疑他狗子無但得世情生鐵冷自然與道密相符
七歲羅睺千丈藤雪山雖近豈能登試看萬乘俱捐者寵辱渾忘百念冰

懷古冲李太宰

擬述

何故前身一道人再來便現宰官身須知悲願原無
盡五葉華開萬古春

酬李又叅眾文學

五首

細樂鏗鏘特特招輦輿溥暮到山椒寒松瘦石凜其
甚一旦春風破寂寥

燕木沈沈冢宰銜銓衡聖代玉無瑕道人本自超塵
累鏡裏何妨一現華

行業文才益一鄉滿庭多士盡琳琅樓邊茂艸何須
慨試看秋風桂子香

戶外冤峩擁翠屏韜韜說法有誰聽餅鵝呼出金魚

帶萬里扶搖起北溟

新班兩序立叢林玉樹森森遠近欽他日股肱天子
室須知不異此時心

葺天曆卷

二首

流水谿橋尚宛然不知金錫去何天佛頭再整蕭公
笠金鴨應浮兀字煙

菴離天曆一牛鳴童稚時聞念佛聲割愛爲僧今老
大始知活佛亦虛名

普濟巖

萬仞崖頭話祖關谿聲日夕響潺潺已叢古木墳溪

壑應剪餘枝近遠山老屋數椽仍未老閒僧何歲得
清閒但將身世同雲雀普濟人間信不難

雪峯卷

雲收萬壑雨初霽無數奇峯呈遠翠策杖揆奇過別
峯割耳茅深如劙利茅深路僻杉松老綠樹亂鶯曉
未了疑是極源古洞天一聲金磬千林杳林間何代
佛來菴菴裏龐眉七十二馥馥香煙迎道左活似空
生下碧巖到來卻問空生話何事小菴名獨大空生
相對默無言不覺西峯日又夜緬想吾鄉老雪峯聲
光籍籍怒雷轟莫問莖茅曾插未杖藜到處是禪叢

五湖今古仰芳躅盡道嵯峨唯象骨誰識高陽有雪
峯不輒木毬惟種穀種穀栽田也不差璞公白璧本
無瑕若非九到三參後未免狂心亂似麻

示行壁行鑒兩文學

二首

儒師孔孟釋瞿曇萬論千經共指南言行但能同白
璧不須遙向百城參
根本如何得不逃直須悟徹未生時夜深燒佛看鬚
落祇恐顏曾亦弗知

答謝龍光文學

二首

擬議固非妙無思未入玄豁開情理障便是士夫禪

60 1 2 3 4 5 6 7 8 9

80 1 2 3 4 5 6 7 8 9

霆震知龍躍燈明任客傳龐公忻再覩父子上峯巔
名場招不去拉友揆三玄香浣盆中佛荷翻水面禪
已閑無說說應達不傳傳何意東林社新移向此顚
與余尼生屹雲兩文學話舊二首

雕梁画棟已成塵猶喜還鄉見故人記得芸窓同舞
勺那堪霜鬢又新新

君學儒兮我學禪丈夫志氣各冲天誰知儒釋元無
二二念回機道自圓

元度謝孝廉美斯周別駕率眾請法書此酬之二首
虎谿何似建谿淡荷葉蓮華總被沈格外宗風親指

出羣賢中幸有知音

郭外寥寥秋氣高玄機試扣野方袍須知鴈塔題名
日獨許英雄跨巨鼇

示行善吳孝廉

元爲萬善長可將亦可相隨力行之佛光生頂上
贈飛卿謝文學

對奕且能平禍亂談禪灼可定邦家東谿源遠東山
峻應作塵中優鉢華

辭翠巖四請爲淵閣黎作十首

偶因避地過龍沙數筆寄山便作家誰謂有家偏有

累真人無位自無差

和尚閣黎太斬新亮公從此墮紅塵可憐洞淺難藏
月收取餘光貯八閨

明月湖邊冒暑迎海棠初發恰新晴如今老大成枯
木八面春風吹不生

不契蕭梁已折蘆何妨依樣画胡盧石幢幸有田園
在戴月披星且種圃

叢林何幸得蕭曹隨蜀重重望倍高詎意石獅關更
密爪牙鋒利付猿猱

龜毛兔角本無根枝拂誰知絕點痕歷遍恒沙何處

覓目連鶩子亦昏昏

建州到後又汀州贏得骯髒滿肚愁鳥道羊腸都蹋
遍豈知公案未嘗酬

如意何嘗被賊偷打開直係任君搜搜來搜去渾無
物笑殺山中老賊牛

黃巖山下奪衣時四品將軍兩度癡何似鉢盂搖不
動一機拿盡五方旗

獨腳蜘蛛夜渡江自由句子信無雙十年又長通身
腳辜負圓翁血一腔

佛頂卽景

十首

螺髻峯

拔起何巍巍羣峯皆未裔白雲蕩清風涌出青螺髻
西來峯

我來破天荒君來爲何事天外獨昂頭共話祖師意
羅漢洞

石室自虛通應真頻來此不是事閒遊同開新窣堵
解空石

無情且解空磊落雲端立擾擾塵中人胡乃不如石
雨華巖

壁立萬仞處坦然可疊膝天華落未休空生豈能識

寶蓋松

一蓋獨凌空萬松立其下是誰親手栽臨濟鑊頭大
石龜洋

平田獨露身洋洋底深藏六卦兆太分明孫贍卒難卜
孕龍潭

澄澄不見底知有老龍踞黑霧勃然興兒孫從此去
嘯月臺

石臺近月邊夜闌常獨步長嘯兩三聲盡是驚人句
望雲亭

螺峯去紫雲一百二十里亭上曠觀時不隔些些子

謝陳學夔狀鄉紳三首

同聲同氣且同陳知是靈山一會人選佛選官無別
意大家垂手度迷津

螺髻峯巔古道塲松寒石冷憶龜洋千城喜有新龐
在秋晚猶聞桂子香

爝火慙分太白燈輝光祖域恨無能十年海內三移
座繼起還須萬里鵬

建普同塔

十首

選山

尋將勝地刲浮圖竄遍層巒探有無莫謂牛眠皆可

用也須子細問青鳥

得地

無陰陽地最爲靈現在人前若箇惺今日杖頭親指
出免教南北更姍姍

點穴

妙穴天然不可移高低形勢貴相宜定南鍼上分休
咎毫髮無差應在茲

啓墳

墳中不著臭皮鞢掘得深時好活壅土旣爛然呈五
色百千舍利任安排

鑿石

平日硜硜頗有聲不因鉗鑿豆能成拼將有縫同無
縫始信良工手眼精

起窑

衰草寒煙翳古窑陶師去後久寥寥而今再發連天
談鍊得泥團片片牢

合鐵

軋鱗鱗竝石鱗鱗聳出雲端樣斬新絕頂一鐵今已
合不知誰見塔中人

瘞骨

痛鞭勤禮總成空憎愛雙亾是昔同狹小一門親拶
入髑髏無復慕荒叢

楂樹

竹鞭能與塔爲讐縱使森森亦勿畱栽得一株無影
樹直教千古蔭神州

剗菴

塔前小搆屋三間細艸纔生卽便刪刪盡艸根埽盡
葉雨華巖畔客初還

示張益叟居士

十首

尋山問水到東谿絕頂登來萬岫低此地旣堪爲佛

地黃金自古賤如泥

滿頭雪髮倒鑿穿爲法殷勤請再三送我登山休要
去山中要箇活伽藍

鐘鼓轟轟二十年與誰共話祖師禪信知時節難移
易白菊香飄九月天

十丈珊瑚一鐵錘生前誰解覓便宜還他須達能先
覺萬古堪爲長者師
我亦身心嬾似牛項邊犁耙久思休可憐未了多生
債又被芒繩攢鼻頭

招提任重最難肩欲續芳聯賴後賢欲得十方同選

佛佛門規訓貴先傳

革盡東堂弊自除十金難合古賢書雪山瘦骨如柴
榦豈是王宮庫藏虛

七十七年精進幢紅塵堆裏信無雙西江吸得乾乾
淨誰謂翁翁不姓龐

問君何處是真家一語投機儘可誇大地果然無寸
土不妨隨處立生涯

兒旣賢兮孫又賢芳垂奕葉自綿綿不須更爲兒孫
計好向蒲團息萬緣

又辭翠巖專使

千里閩山不易行况當天際正飛雲良宵已絕洪崖
夢何事三回五度迎

別周別駕泊衆鄉紳

送送又送送情高山未崇論心秋夜月話別桂華風
浪發章江遠雲行閩嶺通禪機如大徹千里見羣公

卽韻別簡生傅公兩昆仲

歸歟才歎罷忽忽又三秋夢挂夷山洞形疲章水舟
不緣孤鴈遠敢卻二蘇畱預訂蓮華漏相將破積愁

卽韻別爾上梅生龍光衆文學三首

定力難驅障虛名胡足崇葵傾雖向日雀野又隨風

跪跪欲留住行行似不通木樨香再發預定向明公
薔薇開幾度山勢自來崇梅傲羅浮雪蓮披白社風
八輒胡足羨一貫等閒通誰謂楓宸遠重看夢謝公
儒釋原同道何妨兩竝崇立殘熊耳雪笑拂舞雩
風巷陋人偏樂蘭幽香自通懸知千里外相憶有明公
卽韻別嗣啓夏文學

書詩疊疊再三畱衛法風高豈易儔梁枕固空塵界
夢苔蹊偏與腳爲讐釣頭綸線何難卷句裏陽春未
可酬青嶂肯來貽玉帶擬將敝衲換輕裘
卽韻示峽陽駱應衆文學

白社誰開峽水西庭前古柏與天齊鴻儒已自聯鑣
入凡鳥何煩對戶題鐘爲覺人聲漸遠月因破暗影
常低芸窓信宿添新夢夢到羊腸路亦夷

別元熙文學

傑閣清輝尚儼然白鷗秋水自相侵豈徒千里懷明
德共快西江皓月圓

示云菴上座

三界都盧一云菴誰分東北與西南欲開界內人天
眼須是蘿頭自飽參

舟次桃源洞口和陳體泉司馬韻

洞口危橋鎖亂流好山無數迂扁舟桃開四季華如
醉霜落千林樹不秋壁峭尚畱司馬韻泉清疑自武
陵浮何年駐錫深源裏一把茅將萬念休

遊定光寺

何年一杖到長汀古佛依然長老形贈以之中人不
識峩峩玉殿振金鈴

過隘嶺

百折盤空嶺路長馬蹏牛跡太忪忪隘邊萬樹松風
發又送寒雲出故鄉

雪獅歌

千峯突兀萬境寂然寒氣蕭疎凍雲縹渺一出六出
 兮飄飄三片兩片兮皎皎牧童樵子皆斂其衽兮彷
 徨飛禽走獸不聞其聲兮遯藏唯白山之獅子乃獨
 露而堂堂卓然踞地兮骨髓皮膚渾一色有時返擲
 兮乾坤海嶽皆平沈雙眼兮日月之麗天片舌兮劒
 刀之當前縱牙爪之斑斑逞風流而孰先威而不猛
 坐而若眠其裏兮一味冷冰冰識情心意俱烏有其
 表兮觸處淨光輝萬象森羅不可偶雖玉盃銀盆之
 累累兮未足方其姿或白雲明月之悠悠兮庶幾可
 爲友握內毬尙未拋項下鈴誰敢取朴素兮若愚約

詣兮自守豈大音之希聲固默默而緘口抑待時之
 將至兮乃奮怒而哮咷師兮師兮天下之望子兮長
 且久胡不將兒而出堦大震洪音高跕跕直使四海
 五湖見之聞之皆徹骨

上灘歌

上灘歌歌爲何灘高水急木難挖岸邊行不得河中
 石又多進半尺退一丈怒浪驚濤千萬狀雙手牢將
 繩子牽進兮退兮曾不放黯淡灘三峽水飛流直在
 半天裏扁舟蕩漾疾如梭何似此灘高莫擬灘既高
 河又曲七曲八曲蛇伸縮龍舒橋上小橋西塔影參

差遙在目塔南面是招賢古廟也堪暫息肩可憐打
盡閒之遶依舊離披在塔前日已高水正熱炙得肌
膚片片裂皮膚脫落兩三層笑殺飛龍成跛鼈細思
量未是苦苦中有樂人難覩此身不爲法劬勞浪外
虛生復何補學道人如批木逆水灘頭休殼觫忘疲
直上萬重灘毫端頓現黃金屋

獵人歌

勸獵人休打獵禽獸與人原不別祇爲昏迷造業多
戴角披毛藏洞穴形骸雖異性還同怕汝貪生心更
怯千磽冰萬山雪打溼羽毛寒凜冽飢寒無耐出林
行獵夫一聲逃不徹那知誤入網羅中百棒千椎椎
到絕氣雖絕憾未絕冤冤相報何時歇謗言他劣爾
剛彊有時他彊爾卻劣狹路逢時躲不開方悔從前
錯打獵勸獵人休打獵打獵能招地獄業地獄中苦
百千般盡是人間業報攝人間添得口頭肥獄中受
苦無窮劫或剝皮或拔舌或薄批或細切鐵蛇銅狗
相咀嚼從朝至暮暮至朝死而復生生又滅閻羅老子
不容情牛頭獄卒心如鐵莫怪他自作業業鏡臺
前皎如月殺一槍今還一槍剝一剝今還一剝自作
自受自辛酸悔殺當季錯打獵勸獵人休打獵百歲

光陰如電擊口腹無狀莫恣貪貨財有命休爭竊一
氣不來萬事空贏得通身冤債結要解結休打獵要
長壽休打獵要富饒休打獵要子孫休打獵要得人
身休打獵打獵能招貧天子孫絕人身滅滅卻人身
異類中爲狼爲虎爲龜鼈受他烹宰痛難禁始悔前
生錯打獵獵人獵人聽吾說山僧不是閒饒舌快把
網羅裂弓箭折回頭自射自打還自獵直教曠劫生
死無明煩惱當下歇

古雪喆禪師語錄卷十九

古雪喆禪師語錄卷二十

嗣法門人傳我等編

佛事

大佛像開光度盡自心眾生空盡自心地獄園滿自
心願輪成就自心古佛古佛既現魔外潛銷四眾同
欽萬方共仰拋開錫杖月眉斜映海門秋撇下華冠
羸髻右旋僊島碧直得大辯長者自除須髮著金襴
道明禪和方便殷勤爲侍者然雖如是者箇是有相
佛那箇是無相佛豎筆云大眾還見麼復以筆點云
一點雙睛頓豁開眼光爍破四天下更成像係地藏菩薩

標題

子言篇第十四

韋馱聖像開光一向倒戈卸甲今朝重整儀威波旬
聞風破膽以筆點云普眼是處騰輝佇看金碧煥然
處千古天香繞衲衣

伽藍聖像開光一身尚如幻七寶寧復貪靈山親付
囑隨處作伽藍且道主持叢林承誰恩力以筆點眼
云眼裏瞳人吹木笛

挂鐘版萬古叢林一朝再振不離聲色見聞看取法
王號令遂擊一下

挂鐘版鐘未鳴版未響坐斷千差無伎倆鐘既鳴版
既響看看平地波濤漲正當恁麼時消息少人知當

陽縣起處擊一下云一擊破羣疑且道羣疑破後又
作麼生動容揚古路不墮悄然機

香林寺請挂鐘版數百年冷落風規今朝再振百千
眾斬齊號令特地重新動靜二相不生聲色兩關全
露鉗錘在握敲擊臨時擊一下云但於此處知端的
日用無非上上機

黃巖寺挂鐘版伐木版考金鐘無時無處不圓通一
期頓悟聲前句萬古同揚濟上宗遂擊鐘版一下
佛頂寺挂鐘版報鐘雖圓不是曹洞木版雖方亦非
臨濟一椎粉碎十方空聲聲直指西來意且道如何

是西來意遂擊鐘版一下

臨濟慧照祖師忘日拈香一夜雨霽霓洪爐湧碧波
祖師真面目亘古絕誦譏既絕誦譏因甚當機用措
不是烏藤三度擊豈知佛法本無多

天童先和尚大祥拈香挂像燒香設忘歷歷清風市
地若作世諦商量蹉過衲僧巴鼻拈起香云大眾還
見天童先師麼徧界全彰沒變遷誰云化去已三年
可憐毒手親遭處萬古千秋恨未蠲

天童先和尚忌拈香河鼓天孫相會日玄峯老漢獨
行時青黃艸色俄驚九妙體由來不間絲遂以手指
像云大眾者箇是老漢底幻影妙體在甚麼處復以
坐具打圓相於中作女人拜云一年一度一爐香報
恩豈在拈三句

天童先和尚十週忌拈香十年前施三頓棒擊碎我
頂門十年後燒一瓣香穿卻你鼻孔源流拂子賺殺
多少英豪提杖掣鉗博得半生懵懂越王城外密園
中熱罵留我不住迦葉峯前方丈內盡力撼你不動
既撼不動合作麼生起死回生茶一梧報德酬恩祇
者是喝一喝

天童先和尚忌拈香泰山積矣梁木毀矣哲人萎矣

十二年來秋風數起不肖穉兒今日向大江之西洪
井之東扶起泰山重整梁木喚回哲翁直令五湖四
海行腳高流年年日日見天童拈起香云大眾不須
別處尋蹤迹面目分明在此中

山翁和尚寄天童先和尚頂相至拈香肋下痛還一
拳歟蛇敵殺鼈鼻從茲毒氣衝天不受火燈前記若
非面目儼然臨爭見難兄難弟大眾難兄難弟依然
枉畢竟將何奉老爺洪井水烹西巘茗一柄卻勝趙
州茶

天童先和尚忘拈香用閃電機轟霹靂舌點鐵成金
點金成鐵二十五載吳越令行一十三秋晝夜常說
厭原山下炷栴檀太白峯頭金鼎熱且道以何爲驗
插香云萬里河山不隔綫

天童先和尚忘拈香本師和尚忘辰年年此日一樣
今秋佛殿經始毫髮無可供養旣無可供養畢竟作
麼生爛煮一枯木榼羹大家相共飽膨脹
天童先和尚忘拈香黃巖自開闢以來未及聞臨濟
宗旨吾師倚杖此堂中森羅萬象皆歡喜所以覺來
者舊特走延津遠分香積設忘茲辰大眾香供已陳
且道天童先師還來鑒納也無插香云桂輪夜夜到

天童先和尚忘拈香年年此日分明說爭奈聾人自不聞聞卽且置正恁麼時且道先師所說何事插香云失腳踢碎銅棺山情與無情一齊露

天童先和尚忘通玄峯頂此時滅螺髻峯頭此日生十七年來消息在一回相對一傷情大眾消息旣在又傷情作麼插香云枝頭梧葉落片片是秋聲

埽馬大師塔甄鏡臺前打失娘生鼻孔膝王閣畔宏開選佛壇場踢殺天下英靈喚回空中野鶴掀翻窠堦截斷葛藤明大用顯大機電光石火較猶遲藏頭中藏不得森羅影裏現全身

白海頭黑鐵眼銅睛皆罔測燈傳三十二葉道播四海九州脚下不肖兒孫昔日親遭毒手源遠流長則且置到者裏作麼生與祖師相見喝一喝云無縫塔埽黃巖受業本師塔茅鍼出土快於鍼一語曾蒙獎誘溪今日鴛鴦親繡出虛空刺破血淋淋師父還託得同在湖廣黃安天臺山中打七時話麼你若先悟我轉拜你二十餘年言猶在耳可憐道義未嘗醉一塔先將玉骨收面目雖然無間隔傷心難免淚雙流埽住菴本祖塔絕葷四十年已具龐公眼平生好博

施誰顧蕩家產晚歲入空門五子兼一孫孫今繩祖
武五子半不存翻思拜別祇園日一語未終雙淚滴
但言子去必超羣吾老不煩憂旦夕孫今垂老歸寺
中祖翁鴈塔已凌空塔前水碧連天碧盡是翁翁舊
面容

送碧雲健堂菴主入塔冰鐵門庭迥絕儔咄訶怒罵
鬼神愁棱棱傲骨非凡骨誰識終歸土一丘恭惟同
參某氣厭諸方身閒一室搘白峯之塗毒絕後重蘇
分河水之餘波枯根可潤句中含錦繡齊貫當立下
風筆底走龍蛇永素宜推上座夫何緣不逮慧遂致

志莫能伸一別形山三周寒暑落華沒膝碧巖之松
竹仍蒼新月揚睂窄堵之鋒鉞始露且全身拶入不
落賓緣一句作麼生道遞靈骨云鐵牛喫盡欄邊艸
直向孤峯頂上眠

送恒範庵主靈骨入晉同塔離羣索居先賢所斥忘
軀爲衆列祖風規隱顯雖然不同行願從來無別恭
惟同參某鉢傳甬水酒醉曹山參少室之禪遂窪丈
宇杜毘耶之戶竟絕語言佛來尚不留何況人間童
行靈臺非所重誰憐沒後餘骸所以化去三年不免
露眠草宿今日幸遇香城啓如是之塔翠巖作不講

之友大家相送入重雲一任面南看北斗

送眾耆舊靈骨入佛頂普同塔師舉靈骨云直到西方底依然不曾離佛頂遊破鐵輪底不妨親切見法身法身既見南北東西共一家佛頂已登來去人生無二路所以道十方薄伽梵一路涅槃門正恁麼時寶塔凌雲卽且置涅槃門啓事如何喝一喝云雨花巖畔全身入頑石嵯峩亦解空

破門闔法姪起龕三吳兩浙歷盡風霜尺頭雖短腳步卻長便恁麼去是孟八郎畢竟如何請上火場舉火道未行門先破撒手歸祇者箇豎苴云闔公闔

公還識者箇麼攢下云縱饒者箇自分明也須洪爐親煅過

宗質庵主舉火飄飄煙笠離三楚半世艱辛參列祖行到木窮山盡頭暗地點燭唯自許從茲直入厭原西石佛山前倚杖藜昨夜碧天霜月落寒光爍破五須彌惟我同參某公生平質朴不尚浮華六十餘年示閻浮之幻景三千里外探少室之真風徧叩諸方久經行陣步步腳踢實地頭頭蹈矩循規誓不自欺那弄虛頭仗倅願居學地常存綿密工夫誠末世之典型後昆人模範今朝時節既到撒手怡然便行大

眾行卽不無且道宗質菴主畢竟向甚麼處去以火
箇打○云返委悉麼灰飛煙滅無尋處徧界全彰淨
法身

靈峯不立真公起龕年既高德亦高更嫌何處不逍
遙大眾還識此老轉身句子麼天際日高冰樹泮谿
邊雲暖凍華消舉火真不立妄本空軀鼠吸乾滄
海露柱跳入燈籠大眾此是不立真公未後葉落歸
根底時節諸人還識伊生前事麼三十年住山勤勞
不輟數千里行腳執侍大通導童蒙歸解脫之地變
荆棘成釋梵之宮如海之納如山之容緇素共崇高
行遐邇同欽德風六十六載幻華在空今日空華隨
燄落聲千古振靈峯

無相直歲舉火屋漏不曾檢得完牆壁不曾修得好
丹心片片輔禪庭奈何五蘊山先倒無相上座還知
麼五蘊山雖倒一靈恆不壞鐵牛火裏快翻身無相
光中常自枉

還霽庫司舉火清明今日已還霽不汝還者原不繁
老胡漏逗知不知秋風黃葉歸根柢還霽禪德汝棄
菴舍入叢林行苦行用苦心一眾所知也獨有向上
一著未能徹底親契山僧略藉勝熱威光爲汝重宣

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

自融德公舉火一覩德人容便諳仁者壽詎料朔風
嚴搖落同枯柳八十一春秋白駒過其牖要知堅固
身古今長不朽德公德公還知不但能觸處自融通
火裏金毛常震咷

體修禪人舉火倚眾修行多少好無端妄想去居山
腰包尚未安停當又被山神趨得還體修體修既還
家中還識家中事麼豎荳云祇者是莫願預金剛正
體離生滅火裏張着子細看

去燉石雲飛走來今去今本無心迎今送今金博金
須信隱光隱未得堂堂縱步火中行

本源禪人起龕返本還源去空中信步行踢翻蟾桂
影何處不分明

密聞禪人舉火木叉猶未受殼漏已先拋既是密聞
得何須挂七條雖然名實未必相稱歟生未必逍遙
我今爲授自性戒火光騰處赤條條擲下火荳
性宗化主舉火五載擊柝破萬姓之慳囊一旦染病
受百骸之楚痛楚痛不過處須知有不痛之人歟活
不得時須信有不歟之性性宗性宗卽今三寸氣斷

鐵道

四大皆離性在何處擲菴云烈燄光中全體露
寬和耆舊舉火體無不遍之謂寬用無不具之謂和
今鞠攝用全歸體古路分明見也麼豎菴云祇者是一條古路千聖共行你若見得便知去處八十三年
浮雲鞠露且道雲收露盡時如何擲菴云火裏蟻
噉木鷺

定之禪人舉火八苦交煎時念念常在定有如是操
持始名親見性若是半邊白半邊紅恰似狂華翳碧
空而今要得狂華落大火聚中休卜度便擲菴

寰虛禪人舉火一身精血同秋葉萬事紛紜付海漚

賸有那邊消息在寰中虛寂任遨遊寰虛要識
那邊消息麼今日分明爲汝道破便擲菴

不染耆舊舉火紅葉墜西風千林現秋色未過祖師
關難免無常迫恭惟某耆舊典型法社鐵面无私恪
守清規分文不蓄虛懷問道竟爾忘叔侄之分廢籠
捐田慨然作同袍之倡今則幻影雖拋弘願堅同鐵
石寧做貧家之兒不入王侯之室老耆舊便現王侯
也不妨隨緣隨分作金湯擲菴云水中猛燄連天發
催出荷華滿地香

方顯圓顱之貴恭惟某耆舊年近八旬耕鋤不輟鶴
衣自結儉朴可風爲我作闍黎千指同師一字對公
談淨土西方祇在目前今則火蓮初放毫髮不留且
道彌陀如來正談何事投荳云腦後看毛分八字
上乘者舊舉火乘最上乘直登寶所寶所既到有眼
如瞽試問大眾已到寶所便該雙眼圓明因甚麼卻
瞽撮荳云火裏蜘蛛吞卻虎

澹雲禪人舉火奔走黃巖與翠巖道緣雖薄道心堅
誰知霄漢浮雲澹又逐南風散遠天澹雲祇此堅固
道心火燒不壞本絕去來豈有成敗汝今要知本無

去來成敗底麼山僧聊倩勝勢婆羅門爲汝直下點
破便撮荳

普印禪人舉火癡心戀世間修行須待老豈知泡幻
身翰存夕不保禪戒俱弗知生死如何了暨荳云普
印還知麼卽此是戒不假師傳其或未了更聽偈言
毘壇新掘不多深堪煅人間未了心妄習妄情俱煅
盡南山下雨北山晴便撮荳

正芳耆舊舉火正爲迫桑榆勸公早園戒豈期數日
間皮帛果殃壞正芳公皮帛旣壞當知有不壞者在
其或未知更聽一偈三尺火阨親手開斬新燄煅獄

校定

如來凡情聖解都燒盡臘月蓮敷碧水隈

雜著

萬壽卷記

菴所以安僧者也僧所以事佛者也佛之慈光無所不燭故其全容無處不現宮殿無方不豎雖小大有殊應機不一而其壽萬乘福羣黎闢凡情啓昏曠則如隨色之摩尼吹毛之寶効無往而不利也豐樂爲西歐奧區去芝城一由旬地佛廬僧舍母慮數百千其最著者曰斗峯與梅岐之黃巖高陽之鳳山鼎峙於西歐之域皆稱法窟代有高僧難量測公蓋黃巖

碧天禪師之法孫也中歲念生歟事大棄恩愛斷髮鬚一衲翛然自受具以來秋霜烈日壬申春偶經豐樂遂爲范氏諸公遮畱禮敬而遠近諸檀爲結給孤之緣測公乃與其徒卓錫於滄洲之測鼎建精藍命曰萬壽一時紳衿如某某諸昆仲皆躍然而起施田及山爲助道之具菴成胃暑徵記於予擬勒石以垂不朽予念其真誠乃爲叙其顛末使後世君子知測公之德珠藏玉韞測公之願山高海深故能隨方利物剖破凡情豈非所謂五色之摩尼耶測公年至從心而精修不倦則其爲四眾所敬羨也亦宜焉後之

60 1 2 3 4 5 6 7 8 9

1 2 3 4 5 6 7 8 9

住此卷者其亦能修測公之至德與測公之弘願乎
庶幾無忝爲佛之孫子矣

寶鏡卷記

十年此地構茅廬門外湧湧草未鉗古佛二尊先後
到無生一曲濟曹符親懸寶鏡菴常朗喚出子胡石
亦鯀敵得木人紅血濺足心頭首當時枯此誠公貽
予詩也予初負笈參方卽依洞上知識聞其配合宗
旨臆見紛紜間有以楞嚴之暗相承不能昏訓詰參
同者有以文武頌君臣偏正者有以圖書奇偶配賓
主者遂謂主有貴賤之別宗無明暗之殊予時宗眼
未明勿能甄別然心竊疑之迄見天童先師後乃知
濟洞兩宗同異異同玄妙難測非可以教乘儒典配
合者嗟夫元明以來濟洞二宗不絕如綫矣先師令
行吳越壽昌崛起西江實中興二宗之始祖昌得博
山來公其道益振然及門之士不輕許可故潛行密
用者往往於白雲青嶂間遇之歲戊戌予以赴請之
興福說法誠公延予至精舍稽首曰某自從博山和
尚圓具以來遍參諸大老俱承提激已而誅茅四處
三十餘載末後始住此山曾蒙古航和尚親蒞獎導
及挺然諸友贊成像設殿堂規模稍備今幸和尚光

臨願丐一額以照林泉予乃爲顏其菴曰寶鏡菴傍有石可趺以其吐舌而蹲俗呼爲狗石予爲易曰予胡因語公曰公久參曹洞禪必悉其旨如寶鏡三昧云銀盃盛雪明月藏鷺公如何會公曰莫是明一色邊事麼予曰未在夏須細參公唯唯次日呈偈有敲得木人紅血濺之句予曰喚作一色得麼公欣然作禮噫使諸方見此不至有支離配合之弊矣豈非所謂潛行密用之流亞乎昨送予歸佛頂復求菴記因爲紀其大槩菴經始於庚寅孟春落成於壬辰季冬高二十六尺去烏石一牛鳴地去芝城則三十里其

創建益自誠公始也公諱道誠松溪李氏子自輝益其法號云

僧護經序

輪回昇墜之說孔孟之書所不載唯大雄氏以無分別智洞達過現未來三世之事故能詳言之顯言之歷數天堂地獄因緣而直示之如指諸掌一聞其言靡不惕然省駭然悟必思所以蕩滌其志慮澡雪其根塵者然猶有撥無因果之徒眇其說爲膚淺爲詭譎不足信謂一切皆空復何報應之有因而放辟邪侈縱恣餘習張大言以欺佛誑人靡所不至故現報

冥報之慘往往有不忍願聞者嗟夫經不云乎無我無作無受者善惡之業亦不忘永嘉云豁達空撥因果莽莽蕩蕩招殃禍達摩云解行相應名之曰祖然則先聖諄諄苦口獨不諳一切皆空之理乎蓋以理須頓悟事在漸除吾人自迷本有以來昇墮於六趣旣久習染旣深縱使一念回機頓契本有一段風光而無始習染必須漸盡餘習淨盡則一切神通光明自然現前不從外得故曰不矜細行終累大德至哉言乎予濫廁縉流二十餘年矣未聞僧護經之名客歲偶於鄰菴故紙堆中得之展讀至獄中出家者眾

白衣匙少處喟然嘆曰悲夫出家原爲超地獄脫輪同者也乃今僧護目擊世尊親宣謂獄中出家者眾不得不令人寒心哉因念此經切中今時流弊而此方流布甚少久參忽而不閱初學素所未聞乃與諸新戒謀鋟梨棗以廣流通似於法門不無少補云爾諸公果能入海出海如僧護之翛然入獄出獄如僧護之自在遊戲無間如三禪天樂則大雄氏之書可廢爲故紙矣不然則火樹火牀未易躋攀在
經論合鑄序

天下皆知孝道之當盡也而不知所以盡之之方天

下皆知不孝之不善也而不知所以革之之源天下皆謂出家之不孝也而不知所以孝之之至此無他蓋由吾徒不能遵佛祖之教廣佛祖之言以開天下之昧昧耳予不孝宿業深厚幼孤始從先祖棄家入山學出世法而無後之惑胸中未能泮然一夕夢先子示之曰欲酬罔極母越出家既覺遂矢志披緇嗟夫生我之身定我之向往使我得聞佛祖之道此恩此德又豈特昊天罔極而已哉自惟鴦鈍浪迹天涯二十五年於茲矣雖造次顛沛不敢忘先子之明訓客歲丙申始獲一撾退鼓於翠巖還鄉祭掃哀慟欲輯鏡華錄序

機迹

高僧傳 卷之二

三世諸佛是一朵鏡華歷代祖師是一朵鏡華天下
 善知識是一朵鏡華極而言之富者貴者貧者賤者
 愚者智者彭者殤者乃至飛者潛者植者動者銜鐵
 負鞍披毛戴角者無非是一朵鏡華舉世間人皆由
 不知此身是鏡中華遂於華中起種種妄見生種種
 染著造種種業因受種種苦報由是升沉異路男女
 殊形貴賤不同途修短不同命是故西竺大聖人愍
 之亦於鏡上百億分身標榜萬世或現佛身或現祖
 身或現帝王身或現宰官居士身或現比丘比丘尼
 身或現優婆塞優婆夷身如華嚴會上五十三位善

知識各各具有無量神通三昧卽赤縣神艸自達摩
 東來之後其間王公卿相白衣黃冠乃至命婦大姑
 市容婆子悉皆具大知見名垂僧史代不乏人不斷
 煩惱而證菩提不舍塵勞而登覺岸卽此鏡中之華
 便成優曇鉢羅庸詎謂非金粟之後身邪富沙於神州爲僻壤自馬大師過化以來碩學大儒聯燈續燄
 者不可枚舉邇來宗教濫觴金渝莫辨美斯周公憂
 之客秋予以赴請之東溪佛頂過富沙周公乃與其
 同袍謝公輩躬迓至蓮華社中舉揚第一義諦別來
 未幾復馳書至佛頂曰龐公東土之淨名也其偈頌

機緣皆可以藥世情此方罕見願丐大序以冠其顛
使剞劂流通爲白衣榜樣亦護法之一端也未審吾
師以爲何如予曰善哉斯舉乎夫欲惡之孽爲自性
之兼葭久矣及其始萌也而芸之則禾穐以滋吾輩
治心亦然聖賢之治人治世亦然公今爲榜樣白衣
而先流通正法是可謂淡耕而熟耰者也雖然唐宋
之際何啻一龐公哉今據五燈所載六十餘員皆可
標榜萬世者合爲一錄命曰鏡華粹而廣之則可使
人人爲龐公爲靈照爲計氏爲洞賓爲蘇爲黃爲李
爲楊隨所好而劖之則榜樣不亦多乎哉昔內翰澹

莊公嘗訪予於翠巖詢及宗乘中事予舉斬猫話
示之莊通夕不寐黎明至方丈曰弟子會得也予曰
試道看莊曰虛空粉碎一切不留乃相笑而別試問
諸公虛空本無形相如何粉碎得若知得此意則欲
惡之孽自除一靈之性獨朗八角磨盤馳驟空裏金
毛獅子哮吼寰中不然且向鏡華圖上看看他榜樣
是如何

翠巖寺規約序

先聖以神道設教建立叢林聚衆匡徒翰夕焚修祝
釐聖壽正所以陰翊無爲之化同酬不報之恩也故

60 1 2 3 4 5 6 7 8 9

70 1 2 3 4 5 6 7 8 9

爲住持者不惜施泥帶水爲法求人多中淘汰覓得一箇半箇當家種草以續諸祖慧命所謂養育材器陶鑄聖凡故其門庭不得不峻禮法不得不嚴規矩不得不立所謂大匠誨人必以規矩學者亦必以規矩規矩立則上下安禮法嚴則不肖退門庭峻則師道尊矣故住持雖謙光接物海納山容而於痛下針錐之時不得不翻轉面皮學者往往望避而退求其如葉縣浮山汾陽慈明者指不多屈矣是故中下二機非規矩無以束其身非禮法無以制其衆防其微杜其漸而後叢林內外始安於無事此大智禪師清規所由設也後世罔知軌度不守律儀遂至紀綱廢弛叢林凋喪得不辜先聖建立之苦心乎西江自馬大師開選佛場以來巨刹星羅而西山尤盛西山之名藍固多而翠巖獨盛宋元後宗風寥寥不振法席遂至滄更頃者石磬重敲海眾雲集多是法中龍象無煩節外生枝恐有一二初機莫知所守故折衷清規畧摘數條可以救時弊者揭之於左儻有英俊衲僧才入門來打破牢關縱橫自在逆順無拘超然於規矩禮法之外而自合乎古轍者則叢林幸甚法門幸甚

撰述

黃巖寺規約序

夫巖居穴處難忘君父之恩方服圓顱敢悖佛祖之訓所以上求下化夕惕朝乾正欲同悟一心仰資萬壽而已然追風之驥不策而馳遶樹之猿非鎖莫制頑銅鈍鐵投大冶而遂作于將散木樗材遇良工而崇成廣廈是知規繩爐鞴斷不可無而巧匠眞師千秋一遇八閻自齋山成道之後四海仰木毬象骨之高長者施宅作精藍王臣傾心爲弟子由是佛廬僧刹碁布星羅故此寺開山實自唐雪峯禪師始也後代隆窪年深莫覈中興以來四十餘載昭昭彙訓凜凜

凜芳規三喧義虎之聲一奏新豐之曲本支七世千指秀出雲間濟洞兩宗一時霆震海內誠西甌之法窟也某久客他鄉愚頑無似乍歸丈室誠愧濫竽思創業之多艱慨法久而成獎爰集耆宿共酌重輕幹蠱雖貴因時立法自宜倣古故折衷規約臚列廿條仰冀同志遵行毋恣頑梗使道德仁義之紀綱頓整戒定智慧之根本益堅下導羣機上翼王化則八閩界內重窺象骨掌天一味堂中常見金毛踞地叢林幸甚法門幸甚

佛頂寺規約序

建安自五代而後刹竿林林高僧輩出皆在郊郭之外而山谷無聞焉明末有大長者師事碧天和尚決心疑慕須達之遺風自西甌來東溪遙見一峯插漢雙澗合流迺詢里中父老曰是山亦有梵刹乎曰有曰何聖所居曰唐龜洋無了禪師肥遯處其寺曰佛頂長者聞之蹶然披榛而陟但見殘僧數輩敗屋墳垣有不堪其憂者長者喟然嘆曰是祖庭也豈可久湮乎乃迎其師主之不數年間百廢具舉無何而其師化去長者復偕山中耆舊削牘至西江翠巖逆予主席歲丁酉季秋籬菊香清薔薇露冷長者鬚

鬢皓然矣復親送至山稽首颶言曰某年七十有七敬爲和尚守此山二十餘年矣何幸垂老猶獲聞臨濟宗乘向者草昧經營規條未立後昆靡所適從今幸和尚儼臨祖庭有賴願定清規垂訓將來永爲一方選佛道場以副初志則某之功不浪施也予曰深山裏鑊頭邊有一句子千聖難窺百丈未悉公還委悉麼長者曰願求指示予握筆曰分明聽取

募建大雄寶殿疏

夫普光明殿統凡聖而無遺大解脱場亘古今而不易良由一念背覺遂至六趣橫生染淨既隔雲泥依

正自姑優劣是故棄九五之位法位彌尊現四八之身凡身莫測隨方寶閣徧界香臺非碑碣瑪瑙之所成豈土木瓦石之能况皆緣熏修積劫施珠玉等泥沙力踐多生舍身命猶艸芥故能威懾魔外福被天人爲暗夜之明燈作苦海之舟楫也翠巖古刹南浦名溫鞠始普通之年崔書頻錫中興乙丑之歲瑞光先呈然寶殿千楹未副雪中之識敗椽數段還同樹下之居某下里卑人濫膺重任翰乾夕惕行忖坐思五閱寒暄未遽輕裁短疏再觀時勢乃敢奉啓高賢一時名公倡首於前四方衲子戮力於後祇園旣闢

布金應有奇人法宇重新插艸寧無達士放大雄氏之行徑人人自證大雄依解脫法而修持處處無非解脫陳紅朽貫堪培歷世之良因間碧塗金必獲多生之勝報萬乘之尊特原自一笠七錢百福之莊嚴正賴雕梁画棟幸繼齊安芳躅竚看明堂瓦插簷欲知真祖門庭試聽風歐鳴殿閣

募鑄銅像疏

土木瓦石皆是佛身而世人不信蠢動含靈皆具佛性而世人不知水流風動雀噪鴉鳴皆演佛音而世人不聞牛頭馬面羅刹夜又皆呈佛相而世人不見

所以煩勞黃面老漢屈曲垂慈權挂垢衣假名爲佛
遂現三十二相八十種好坐菩提場橫說豎說嘗對
空生言若以三十二相觀如來者轉輪聖王卽是如
來又云如來說三十二相卽是非相當是時黃面老
人已自披肝瀝膽兩手分付矣爭奈著相者依前告
目述瞞沉空者未免金塵翳眼直至臨末梢頭拈起
金色波羅華始博頭陀一笑由是知此道之難明雖
三賢十聖卒莫窺其闡奧母怪夫世人之不見不聞
不知不信也矣雖然吾佛之教權實竝行理事無礙
故一瞻一禮一香一華或繪或雕或塑或鑄或讚歎
或恭敬皆獲成佛所以法華云或以指爪甲而画作
佛像漸漸積功德皆已成佛道由此觀之遵佛之訓
事佛之像成佛可立而待也又豈特天人福報而已
哉翠巖爲洪都名刹滄夏之後不知古佛飛錫何方
雖土木瓦石洲渚園林時時現殊妙色身而凡夫所
見不一頃者寶殿煥然香雲蔚靄四徹瞻依不可無
像擬覓巧匠洪爐仍鑄全身丈六須用紅銅萬斤十
方具眼王臣信心長者一擲阿堵百福齊臻優填之
勝舉再興紫磨之金色常現卽此火風地水全成堅
固法身頓令牧豎漁樵悉見現前真佛臨機不昧直

下承當一會靈山千古未散
慕禪堂疏

夫叢林之有禪堂猶國家之有庠序庠序不立則賢才無由以生禪堂不開則慧燈無由以續是知紹續三世佛祖慧燈而不斲者實自禪堂始也故百丈大智禪師勑叢林立規矩設廣堂通單以居其眾分兩序列職以任其勞縣鐘版以定其時執香版以策其惰限長期短期以發其勇銳使湖海有志衲子同堂共命遞相切磋曉夜精勤時刻無間必期發明本有佛性及第心空而後已此其爲惠後學恩至渥也後

世不體先聖立法垂訓之心反以規矩爲贅疣以禪堂爲虛設由是上下偷安彼此鈍置甚至暗室屋漏靡所不爲一期報終三塗永墜可不哀哉故梵網云若比丘不教化一切眾生建立僧坊佛塔及坐禪處所者犯輕垢罪蓋以坐禪之益廣博無涯可以破積劫之迷可以助無爲之化可以資檀信之福可以報不報之恩故列祖出興於世未有不以茲爲急務者也西山自亮公隱居後列刹相望近代以來正宗淡薄而名藍大刹半屬榛莽良可慨也癸未春予始來白法縛茅以居深自韜晦而四方學者日漸臻茅舍

褊小不能容因念先德住山雖獨宿孤峯而弘法利生之志未嘗斯須忘也予雖德薄行微敢不遵大智之遺訓哉第白法自悅堂喜公後寸土尺木皆爲橫目所有茲者欲構數椽以爲坐禪之所其奈難爲無米之炊敬裁短疏用啓高賢伏冀不忘靈山之囑勃興護法之思大破慳囊助成勝事棟梁椽柱全彰古佛風規穀粟錢財悉露祖師巴鼻一飯能致天福七錢尙感輪王善果旣由善因種穀決不生稗衲僧頓明心地續談聯芳檀那正信此宗超凡入聖皇恩佛恩等報祖意教意均明其殊勳殊德豈曰小補之哉

募建普同塔疏

塔婆之福世利民滅惡生善也至矣哉梵語塔婆亦云支提此土翻譯爲滅惡生善處故阿育王以瞋怒心殺八萬四千夫人罪當淪於地獄乃問道人當修何善得免斯殃道人曰唯有起塔供養眾僧庶幾可免王遂如教於一日中造八萬四千寶塔散置閻浮竟免淪墜故明州鄧山舍利塔至今以育王稱焉或謂供養如來舍利獲福固多祇如凡僧之骨竝無舍利供之奚益曰經云凡夫比丘有德望者亦得起塔但露盤之多寡有殊層級之隆殺不一昔舍衛國有

大長者嘗罄其家資建立塔寺命終生忉利天其婦以憶夫故常埽此塔夫從天降慰之曰我以造塔功德殊勝得生天上汝能勤埽塔寺亦得生天婦如其言後果生天夫婦同證須陀洹果嗟夫一念之嗔遂感地獄一念之善遂感天宮毋論王臣長者貧富貴賤莫不皆然是知一念不生善惡俱忘者上也苟或念慮紛紜未得無心三昧則當時時護念庶幾轉禍爲祥移麤作細耳佛頂爲東谿名藍自明季中興以來德望之僧不可勝紀然闇維之後散瘞林下未有塔婆予恐久而暴露其骸骨荆棘其丘隴似非叢林所以祀先之禮且違世尊所以示人滅惡生善之教敬裁短疏奉啓高賢各發敬信心共成希有事非特比丘枯骨普同沾恩卽忉利天宮生生樂享無既矣

募浴室疏

佛殿放毫光古靈曾開寶藏浴堂惺妙觸跋陀已證圓通梵刹重興真風未泯濟濟開士何啻二八之多卓卓羣英寧殊五五之眾但兜羅未施誰能覲體承當金湯再新復可赤條相見湘江之滿載珍玉虛擲無勞洪井之半掬寒濤翻騰有待況乎戈鋌雜沓多藏總爲他畱因果分明博施還同自得一言道合萬

善齊臻天人之福報匪輕心境之塵埃頓滌仰祈諾
諾敢惜切叨

笑嚴寶和尚語錄跋

果地人語言非果地中人莫能辨其深淺摩訶衍密
義唯摩訶衍上士始解析其精微天下之無道也久
矣非儀封人之後又何足以知夫子之木鐸是故東
土自小釋迦而後騰空羅漢罕聞金錫之聲據座高
僧未獲貝多之贈然則大聖降靈如晴空霹靂火裏
優曇固無論已卽知大聖人之道而敬事之者亦不
易得由知己之不易故顯晦殊途盛衰異世安得吾
道之常明於天下也哉吾祖笑嚴老和尚乘願降靈
迅雷再震關子嶺頭焚卻本來父母金沙灘畔密論
從上綱宗故應真稱爲摩訶衍上士大覺讚爲果地
中人苟非小釋迦再來焉能起臨濟於已墜之際耶
西江鄧文潔公淡於禪者也敘其集曰吾師接引諸
方其機用與先輩無以異近谿羅先生當世之鉅儒
也亦以荷鞭策而知向方然則內而中國外而西土
若應真若王臣皆知吾祖之道大何以終其身於蓬
門陋巷之間也耶顏子曰夫子之道大天下莫能容
豈其然耶曰非也聖人之生也求賢以續正脈力踐

以挽頽風苟有益於時雖陋巷蓬窓亦足以明聖人之道又何暇與庸流競一時之聲利而已哉或曰因時救弊爲道求賢吾師之言是也然而聯芳六人道脈之所係也囑付伽陀鑿鑿可據不數載而煙滅無聞苟非龍池一滴則臨濟正宗焉有今日而南北集中十餘萬言竟無一字及龍池者何哉曰是非爾所知也師資道契非語言文字可企及也方其翹足作修羅障日月時師翁遂悟去爾還知否或者無以對予固曰是非爾所知也曩者先師住金粟日已鐫全集流通第未採入師翁機緣此蓋劉子明緘之過耳知鴻味則小釋迦猶枉

祭二親文

維某季月日不孝男某泣血百拜於嚴父慈母之墓前特豎墓上之碑謹以香茗疏饌致祭於二親之靈曰烏乎哀哉尚忍言哉二親先後仙逝不孝自此飄零迄今二十餘季墓木已拱把合抱而岑森烏乎哀哉尚忍言哉言之涕泪如雨肝腸寸斷咽不成

語烏乎哀哉尚忍言哉追憶疇昔觸境增悲三曲援
筆竟無一詞其終不言也耶不孝之言幾滿天下矣
而獨不能攄一言以告吾親何以異於雞豚犬馬耶
烏乎哀哉非不能言也不忍言也不忍言也其終奈
何語有之子不談父德僧不拜君親夫不拜親固遵
世尊之明訓也不談父德而使天下後世無聞焉其
不孝孰有過於此者然則不忍言者何哉夫親之學
富逾五車三事八甄易於拾芥何以齠齶遊泮而終
處巖穴耶此不孝之所不忍言者一也以親之仁慈
惻怛恭儉溫良則宜躋耆頤耄耋之季何以未登彊
仕留一髦於芝城之西隱首骸於廣寢之野耶此不
孝之所不忍言者二也甘斲鼙之禍食服百結之鶴
衣居陋巷蓬牕而坦然不憂視不義之金珠玉帛猶
艸芥而弗顧間里共知其廉潔疎戚咸仰其孤標由
是而推其盛德大業則應本支百世而不衰何以竟
至於無後天之報施其有驗耶其無驗耶此不孝之
所尤不忍願言者三也以三不忍言而終不言則何
以舒鬱結之懷展親親之義耶烏乎哀哉姑就失恃
怙以來二十餘季流離落魄之狀泣訴於二親少釋
不孝之愆於萬一耳不孝初入紫雲志懷猶豫是夕

夢中親承面諭子當決志不必狐疑出家得道吾復何悲不孝於是矢志披緇勤求至道南詢百城遍諮耆老席不暇暖食不遑飽值天童之法王聞一言而遂了乃侍巾錫前後八秋始刈把茆獻原峯頭思報罔極陟屺陟岵臨風愈覺淒其近泪信無乾土痛滄桑之數更歸故鄉而多阻爰興兩刹利白法翠巖禪教及律數載謗謗念親恩之未答乃眾緣而悉芟東風正發千里揚帆直抵高陽擊日松杉烏乎哀哉睦州之編蒲妙喜之繼絕目連尊者之蘭盆忉利天宮之特說不孝固未能也勒珍珉於墓上陳芹藻於林間

歌梵唄誦真詮亦不過流俗師僧之故套又胡能俾二親之靈覺皎然如日月之麗天烏乎哀哉不孝其無可奈何也然則終奈何哉不孝其試以所學之道呈於二親之前天聽雖高幸俯鑒焉唯茲靈覺包含六合本無去來豈有苦樂男身女身空華數朵夭壽窮通何有於我我誠不孝無可奈何以道孝親或不見訶烏乎哀哉百拜稽頽唯靈在天來格來饗

古雪詰禪師語錄卷二十

國語
大記

東方朔上天見日其音清徹靈耳天來水未興
東風可作人太史皆不孝無可治可以不
大令之興去來豈不吉樂與良文也空
是爲三賦之極大顯最高辛前靈惠對於靈廣也今
此正奈所此天限發祭阿姑不孝其始以祖也祖
之靈實知然吸日月之精氣也此不孝也祖
得大限歸命本不虛生名相曾不貪食又附詣

七

卷之三

卷之三